


# LETŠATŠI LE LENGWALO

## LE LE PHETHAGADITŠWE

 E nong go fela le eme, ge le ka dira, ge re kobamiša dihlogo tša rena bakeng sa thapelo.

<sup>2</sup> Morategi Tate wa Legodimong, re thabetše se bošegong, sebakabotse se sengwe gape go tla gomme re neele ye ya latago, ye botse Ebangedi ya Jesu Kriste. Re a Go leboga ka baka la gore O sa dula e le yo a swanago maabane, lehono, le ka gosafelego. Re a Go leboga ka batho ba ba kgobokanego ka ntle mo ka nako ye ya boso bja go tonya, gomme go le bjalo le ditetelo tša bona tše kgolo, ba lebeletše, ba dumela gore se sengwe sa ka godimo ga tlwaelo se ya go fiwa rena go tšwa go Modimo. Re tla ka kholofelo yeo, Morena, go kopano ye nngwe le ye nngwe. Re Go leboga ka ditirelo, bošego pele ga bja go feta, ka tabarenkeleng; re Go leboga ka tirelo mo bošegong bja go feta, le ka tirelo lehono, ka tabarenkeleng. Re lebeletše pele bjale go se O tla re belago naso bošegong bjo.

<sup>3</sup> Tate, re a tseba gore yo mongwe le yo mongwe a kgonago go šišinya diatla tša bona ba kgonaga go phetlela morago matlakala a Beibele, eupša fao go na le yo Motee feela Yo a ka kgonago go E dira gore e phele le go ba ya nnete, gomme yoo ke Wena. Gomme, Tate, re lebeletše Wena go dira seo bošegong bjo. Re šegofatše ka tsela ye nngwe le ye nngwe. Dipelo tša rena di tletše thabo ge re bona nako e batamela ge re eya go kopana le Yena, sefahlego ka sefahlego, yo Motee yo re mo ratilego re mo pheletšego mengwaga ye ka moka.

<sup>4</sup> Basokologi ba bantši ba baswa, Morena, ba dirilwe. Ke a kwešiša gore lešaba le legolo, masomenne goba masometlhano, ba swanetše go kolobetšwa Leineng la Gago, mosong, go tšwa go tirelo bošego bja go feta. O Modimo, ka kgopelo tšwela pele, re a rapela, go fihla ge Peu ye nngwe le ye nngwe ya Modimo yeo e kgethetšwego pele e bona Seetša sa Ebangedi, gomme e etla ka lešakeng.

<sup>5</sup> Re Go kgopela gore o re ute ka morago ga Lentšu bošegong bjo; re fougatše go dilo tša lefase, gomme re dire gore re bone Jesu. A nke fao go be boitemogelo bja Thaba ya Phetogelo magareng ga rena, bošegong bjo, gore re se bone monna ge e se Jesu a nnoši. Re se kgopela Leineng la Gagwe, le bakeng sa letago la Gagwe le go hlatsela Ebangedi ya Gagwe. Amene.

Le ka dula.

<sup>6</sup> Ke ya go no retolla maeke wo, goba teseke ye, gannyane feela tsela lehlakoreng, ge ka moka go le gabotse, gore ke

kgone go bona mahlakore wohle a botheeletši. Ke a thanka nka kgona go iša dimaekorofouno tše go dikologa mo thwi. Ka moka gabotse, nakwana feela.

<sup>7</sup> Re a dumediša, go tšwa go otithoriamokgolo mo bošegong bjo, bagwera ba rena ka Arizona, California, Texas, le go kgabola United States, ka tsela ya mogala. Ye, ye e ya setšhabeng ka bophara, tirelo ye bošegong bjo, ka tsela ya mogala, ka fao re a tshepa Modimo o tla re šegofatša.

<sup>8</sup> A le kgona go kwa, morago ka kua go yona—yona otithoriamo go la ngele? Ka moka gabotse, ba ya go tšheka tshepedišo ya mogala bjale, go bona ge eba e šoma gabotse ka moka.

<sup>9</sup> A yo mongwe le yo mongwe o thabile bošegong bjo? [Phuthego e re, “Amene.”—Mor.] Le re, seo se gabotse! Ka lehlakoreng le? [“Amene.”] Amene. Ke thabile go bona gore ka moka le dutše ka go iketla.

<sup>10</sup> Gomme bjale gosasa bošego, ge mašaba a ka tšwela pele a ntšifala, le bona ba tla lebana le mogala. Ba gona bošegong bjo. Ke nagana gore ba bangwe ba bona ba tlase kua tabarenekeleng.

<sup>11</sup> Gomme, gosasa mosong, ditirelo di ka se kgone go ba tabarenekeleng, ka baka la gore. . .fao go tla be go le sešoma ka mapolomo a kgabišetša kereke lenyalo gosasa ka morago ga sekgalela. Gomme ba šuthišeditšego di—ditirelo, mosong, godimo go kereke ya Ngwanešu Ruddell, yo motee wa bašomišani ba rena, gomme godimo go—go tsela ya lephefo mo, 62. A e tsebišitšwe? [Ngwanešu Neville o re, “Eye.”—Mor.] E tsebišitšwe. Gomme, ge e tletše la go falala kua, re tla tšea ba bangwe gomme ra romela modiredi yo mongwe go ya Ngwanešu Junior Jackson, tlase ka Clarksville. Lebaka leo re bilego le yona ka go ya Ngwanešu Ruddell, ke kgauswi mo, gomme re ka kgona. . .gomme re gopotše gore le ka kgona go hwetša yeo ga bonolonolo. Gomme re tla e hlokomela ka tsela ye e itšego. Gomme ebang le bonnete le tliša dikolobetšo tšeo ka moka go gosasa, gomme ke a holofela fao go tla ba lekgolo le lengwe gape goba a mabedi a okeditšwe go bao go kolobetšwa gosasa. Gomme bjale gosasa bošego. . .

<sup>12</sup> Ga se kake ka tsebiša eng kapa eng le e boletšego pele ga nako, eupša bošego bjo bongwe ka tirelong, goba letšatši le lengwe, ke nyaka go bolela ka thuto ya: *Ke Mang Melekitsedeke Yo?* Ka baka la gore, ke—ke thuto ye ke naganago gore re phela ka nakong ya ge dikutollo tše, yeo e bego e le potšišo go theoga go kgabola lebaka, ya gore, “Moisa yo ke Mang?” Gomme ke a dumela gore Modimo o na le karabo gore, O be a le Mang. Ba bangwe ba rile, “boprsta,” ba bangwe rile, “kgoši,” ba bangwe. . .Eupša fao go swanetše go ba. . .

<sup>13</sup> Ge fao go na le potšišo, fao go swanetše go ba karabo go potšišo yeo, ye e nepagetšego. Go ka se kgone go ba potšišo ntle le gore pele go be karabo.

14 Bjale, re a tshepa gore Modimo o tla re fa tšhegofatšo bošegong bjo go tšwa Lentšung la Gagwe, ge re Le bala.

15 Gomme le bile. . . Billy o mpoditše gore ke le botše gore ka nnete le bile le tirišano ye kaone le batho mo ba ba bego ba le ka lenaneong le boemakoloi, maphodisa le se sengwe le se sengwe. E swareleng godimo; seo kudu, se botse kudu.

16 Re holofela go bona nako, mohlomongwe kgauswi ka moso, ge mohlomongwe re ka kgona go tliša tente mo toropongkgolo gomme re e bee godimo ntle mo ka phakeng ya polo, fao re ka kgonago go dula nako ye telele, mohlomongwe ya lebaka la dibeke tše tharo goba tše nne, tsošetšo, kgafetšakgafetša. Gomme mo re no se kgone go tsebana seng sa rena, gomme ka gona re swanelwa ke go laelana gomme re tloge gape. Eupša ke rata go tla gomme ke dule leeto la go tsenelela, nako ye tee fao le ka kgonago go dula gore re seke ra swanelwa ke go tswalela ntle ka bošego goba a mabedi, eupša go no dula le go ruta, mosegare le bošego, mosegare le bošego, pele le pele. Mohlomongwe yo mongwe o ya gae go fepa dikgogo, go gama dikgomo, gomme a bowe morago beke ye e latelago gomme a tšwela pele le ka tirelo. Ke—ke rata seo. Ka fao Morena a be le lena.

17 Bjale, pele ke tloga, mohlomongwe Lamorena mosong goba Lamorena bošego, goba nako ye nngwe, ye tee ya ditirelo tše, ke a tseba ka moka le letetše go kwa Molaetša wa Therešo ka *Lenyalo Le Tlhalo*, e lego bjo bongwe bja mathata a magolo a letšatši. Gomme ke no ba le nnete go swana le ge ke eme mo, ke a dumela gore karabo ye e nepagetšego e ka Lentšung la Modimo, gomme ke a dumela gore yeo ke ye ke boago morago bakeng sa yona.

18 Gomme ke a nagana, ka go tseba, bokgale bjo ke bo tsebago, ke nyaka go ba le tirelo ye nngwe gape mo ka Jeffersonville, ka Lamorena la Tsogo, gomme re tla. . . tirelo ya go hlaba ga letšatši, gomme le Lamorena la Tsogo. Ka fao re tla e tsebiša pele gomme re leke mohlomongwe go hwetša otithoriamo, ge go kgonega, goba felotsoko, ya Lamorena, mohlomongwe re tle Mokibelo le Lamorena. Re swanela go fofela ka gare le go ya morago ntle, ka baka la gore ke kgauswi le nako. . . ke swanetše go e tšheka, pele, ka peakanyo ye ke nago le yona, le e tee ya la—la—la ka lenaneo ka California. Gomme ka gona, ka pela ka morago ga fao, ke swanetše go ya tlase ka—ka Afrika. Ka fao tšwelang pele le kgokagana gomme le re rapedišeng.

19 Bjale, bošegong bjo, ke nyaka go biletša šedi ya lena go karolo ya Lentšu la Modimo, e hwetšwago ka go ya 4 tema ya Mokgethwa Luka. Ya 4 tema gomme ya 16 temana, le tla thoma, Jesu o a bolela.

. . . Letšatši le Lentšu le le phethagaditšwe ka ditsebeng tša lena.

<sup>20</sup> Bjale re nyaka go goga, go tšwa go Leo, mafetšo a ka fao Lentšu la Modimo le phelago! Bjale, ka moka re ka kgona go eleletša peakanyo ya metšhene, eupša go tšea Disepediši go Le dira gore le šome.

<sup>21</sup> Re ka kgona go eleletša peakanyo ya metšhene, ya motšhene sefatanaga, eupša ka gona go tšea disepediši go dira mabili go šoma le go sepela.

<sup>22</sup> Bjale, Jesu o be a boetše na—Natsaretha, fao A godišeditšwego gona. Pele tlase ka Mangwalong mo, re hwetša gore ba rile, “Re kwele gore O dirile sa *gore-le-gore* godimo ka Kaperenaume. Bjale a nke re Go bone o se dira mo ka nageng ya Geno Mong.”

<sup>23</sup> Jesu a re, “Mo—moprofeta ga a hloke tlhomphe ntle le ka nageng ga gabo mong.” Gomme, ka nnete, ke fa o godišitšwego gona, gomme fao batho ba go tsebago. Gomme fao O be a na le—le—leina le lebe, sa mathomo, go Yena ka go tswalwa ntle le tate wa lefaseng. Ba be ba Mmitša “hlaba,” gore Maria gabotse o imile pele a nyalwa, semmušo, Josefa. Eupša, seo ga se bjalo, re a tseba gore ga se bjalo.

<sup>24</sup> Gomme Lengwalong le, se se ntirilego go wetša mahlo a ka godimo ga le, e be e le selo se sengwe se se diregilego kgauswana feela ka Phoenix, Arizona. E be e le letšatši la mafelelo, la tirelo le ke bego ke swanetše go bolela Khonferentshe ya Ditšhabatšhaba ya Banna ba Kgwebo ba Ebangedi ya go Tlala.

<sup>25</sup> Gomme ka mo khonferentshe ye go be go na le moeng le rena, e bego e le pišopo wa Katoliki, e bego e—e le wa kereke ya “Chaldean Rites of the Apostolic Catholic; Yenayenayena Mor. John S. Stanley, O.S.D.” Ke “pišopomogolo wa toropokgolwane United States,” ka kerekeng ya Katoliki. Ye e diregilego go ba karata ya gagwe le ya gagwe—le ya gagwe aterese.

<sup>26</sup> Gomme o be a le moeng le Banna ba Kgwebo ba Bokriste, gomme ke mmone fao, letšatši pele. Gomme ge ke be ke bolela ka Mokibelo bošego, ke a dumela e be e le, goba Mokibelo mosong difihlolong, gomme ka . . . Ge ke be ke bolela, o ile a tšwela pele a ntebeletše. Ka gopola, “Monna yola ka nnete o ganana le se sengwe le se sengwe ke se boletšego.” Gomme, le a tseba, o be o kgona—o be o kgona go no mmona; o be a iša hlogo ya gagwe godimo le fase, gomme ga se kake ke tseba seo tlwa se bego se šoma godimo ga gagwe.

<sup>27</sup> Ka fao ka Lamorena ka morago ga sekgalela, ge ke fihla godimo go bolela, ke be ke eya go tšea hlogotaba ya ka ka *Mahloko A Pelego*, fao Jesu a boletšego, gore, “Ge mosadi a šokwa ka ngwana,” o šokwa go belegeng. Gomme ka fao ke be ke eya go bolela go tloga fao, bjalo ka, *Mahloko A Pelego*, thuto, ke bolela gore lefase le mahlokong a pelego bjale. La kgale le swanetše go fetwa, gore le leswa le tswalwe; go no swana le—le pe e swanetše go bola, gore e fe bophelo bjo boswa.

28 Le ka mahloko, mahloko a pelego a rathilego lefase! Ka Ntweng ya Pele ya Lefase, le bile le bohloko bjo bo šiišago, ka baka la gore ba bile le gase ya mpholo, le go ya pele, yeo gabotse e bego e ka kgona go fediša lefase. Gomme ka Ntweng ya Bobedi ya Lefase, e rathile bjo bongwe, bjo bothatathata bohloko; ba be ba na le dithutupišadišitiši, le pomo ya athomo gape. Le ka se kgone go emela bohloko bjo bongwe gape bja lešoko. Ka dimesaele tše le dilo lehono, ntwae ye nngwe gape e tla le lahlela ntle ka lefaufaug, ka gore bjale le tla lokollwa. Gomme fao go tla ba le lefase le leswa. Beibele e boletše gore le tla ba.

29 Ka fase ga Molaetša wa moprofeta yo mongwe le yo mongwe, Israele e bile le bohloko bja pelego, ka baka la gore baprofeta ba be ba etla lefelong la tiragalo ka morago ga ge baithutamodimo le banna ba boruti ba be ba tlišitše kereke ka moka ka leemong la mokgatlo. Gomme ge bona baprofeta ba etla lefelong la tiragalo ka GO RIALO MORENA, ba ile ba šišinya tšona dikereke, gomme ya ba le bohloko bja pelego. Mafelelong, e bile le mahloko a pelego go dikologa godimo go fihla e goroša Morwa wa Ebangedi, e bego e le Lentšu ka Bolona le dirilwe nama.

30 Ka fao kereke ka nnete e ka mahlokong a pelego bošegong bjo, gape, go goroša Morwa, Morwa wa Modimo go tla gape. Ka moka baithutamodimo ba rena, ka moka ditshepedišo tša rena, ka moka dikereke tša rena tša maina, di bodile ntle thwi go tšwa ka tlase ga rena. Ka fao re ka bohlokong bja pelego, gomme Molaetša go tšwa go Modimo ka mehla o fošetša kereke ka bohlokong bjo boimaima, eupša ka morago ga lebaka e ya go goroša Monyalwa. Seo se tla tliša Jesu Kriste pele go Monyalwa wa Gagwe.

31 Gomme, ka gona, ke be ke nagana gore monna yo o be a sa dumelelane le nna kudu. Ge ke emetše godimo go bolela Molaetša wo, ke ile ka phetla Beibele ya ka, go hwetša letlakala.

32 Gomme mosadi wa ka o be a sa tšwa go mpha Beibele ye mpsha, ya Krisemose. Beibele ya ka ya kgale e ka ba mengwaga ye masomethano ka bokgale, gomme selo se be se no gagoga diripana. Matlakala, nako le nako ge ke be ke bula, a be a fofela ka ntle ga yona. Gomme, eupša ke be ke no tseba fao ke hwetšago Lengwalo le lengwe le le lengwe, ka fao ke ithuta sekgauswi ka Beibeleng yeo. Gomme ke ile ka no topa ye mpsha ye tee, ka baka la gore ye nngwe e be e lebelelega maratha, go ya kerekeng ka yona.

33 Gomme ge ke thoma go phetla ka go Mokgethwa Johane, fao Lengwalo le bego le hwetšwa, ka thoma go bala ya 16 tema, gomme temana ye ke bego ke e nyaka e be e se fao. Ka fao ka gopola, "Sa go se tlwaele!" Ka phetla morago gape; le bjale e be e se gona fao.

34 Gomme Ngwanešu Jack Moore, go tšwa Shreveport, Louisiana, mogwera wa ka wa hlogo ya kgomo, o be a dutše fao. Ka re, “Ngwanešu Jack, a ga e hwetšwe ka go Mokgethwa Johane 16?”

A re, “Eye.”

35 Gomme moprista yo wa Katoliki a emella go tšwa ka setulong sa gagwe, go tšwa go e ka ba lekgolo la banna ba baruti ba ba bego ba dutše sefaleng; a sepelela godimo kgauswi le nna, le ka moka dithapo tša gagwe le dikaone le difapano, le go ya pele, gomme a tla thwi godimo kgauswi le nna. Gomme a re, “Morwa wa ka, iketle. Modimo o lokišetša go sepela.”

Ka gopola, “Pišopo wa Katoliki o mpotša seo?”

A re, “E bale go tšwa Pukung ya ka.”

36 Gomme ka bala Lengwalo go tšwa Pukung ya gagwe, gomme ka tšea hlogotaba ya ka gomme ka ya pele, ka rera thero ya ka.

37 Ka morago ga fao, ge ke feditše, a emella ka morago ga ge ke ile, gomme a re, “Fao go na le selo se setee se se swanetšego go direga. Ka morago ga seo, kereke e swanetše go tšwela ka ntle ga tlhakanantswiki ye e lego ka go yona, goba re swanetše go tšwela ka ntle ga tlhakanantswiki ye kereke e lego ka go yona.” Ka fao, ye tee goba ye nngwe.

38 Gomme ke be ke le tseleng ya ka go ya gae, morago go theoga go ya Tucson, mantšiboa ao. Bana ba be ba llela sephatlo, gomme ka ema go hwetša sephatlo seteneng se sennyane. Gomme mosadi wa ka a re, “Bill, ga se kake ka tšhoga ka mkgwa wo bophelong bja ka ka moka, go go bona o eme godimo kua gomme o fampola go kgabaganya Beibele.” A re, “A se be se sa go dire gore o tšhoge?”

39 Ka re, “Aowa.” Ka re, “Ke be ke tseba gore e be e le ka fale felotsoko. Ba nno se be le letlakala ka gare. Ke phošo ya go ngwala.”

40 Gomme a re, “Go nagana, gore ke go hweleditše Beibele yela! Go be go bonala o ka re leihlo le lengwe le le lengwe ka kua le be le le thwi godimo ga ka.”

41 Gomme ka re, “Go lokile, o be o ka se kgone go thuša seo. Yeo e be e le phošo ya go ngwala ka Beibeleng.” Ka re, “Ga se bake ba no bea letlakala gare.”

42 Go lokile, ke ile tlase gomme ka le lebelela gape, ka go no phethagala ka fao le bego le kgona go ba; eupša tema ya 16 e a felela, karolo, karolo ya lona e ka no ba diintšhi tše tharo go tloga tlase, go ya ka go tema ya 17 ka lehlakoreng le lengwe, e dira selo se se swanago. Gomme, ka go ba Beibele ye mpsha, matlakala a mabedi ao a be a kgomagane mmogo ka go phethagala, gomme ke be ke bala go tšwa go tema ya 17 sebakeng sa 16. “Go lokile,” ka re, “seo se kaone. Ke ka baka la morero.”

43 Gomme feela ka go ba molaleng ka fao o ka kgonago go kwa lentšu lefe kapa lefe, Lentšu la tla go nna, gomme la re, “O tsene ka Nasaretha, fao A godišitšwego gona; gomme a ya ka senagogeng, bjalo ka ge e be e le setlwaedi sa Gagwe. Gomme moprista a Mo fa Mangwalo gore a bale, gomme A bala Jesaya 61. Gomme ge A badile Mangwalo, A dula fase; a neela Beibele morago go moprista, Puku, gomme a dula fase. Gomme ka moka mahlo a phuthego a be a le godimo ga Gagwe. Gomme Mantšu a bohlokwa a be a etšwa molomong wa Gagwe. Gomme A re, ‘Letšatši le Lengwalo le le phethagaditšwe.’”

“Letšatši le Lengwalo le le phethagaditšwe.”

44 Lengwalo ke la maleba bjang! Ge le ka ela hloko le ke Jesaya 61:1 go ya go 2, ke fao Morena wa rena a balang gona, Jesaya 61:1 go ya go 2. Eupša bogareng bja temana ya 2 ya Jesaya 61, A ema. Moo e rilego, “Moya wa Morena o godimo ga Ka; go rera ngwaga wa go amogelega,” ka gona A ema. Ka baka la eng? Karolo ye nngwe, go tliša kahloko, e be e sa re go tla ga Gagwe ga pele, eupša go Tla ga Gagwe la bobedi. Le a bona, e be e sa re fao. Ka fao Mangwalo a ka se tsogege a dira phošo! Ka mehla a phethagetše. Jesu o eme feela fao Lengwalo le emego, ka baka la gore leo e be e le tlwa se se bego se swanetše go hlatselwa ka letšatšing la Gagwe, bjale, ka go tlang fao ga pele. Go Tla la bobedi O tla tliša kahloko godimo ga lefase; eupša e sego nako yeo. O be a “rera ngwaga wa go amogelega.”

45 Elang hloko Mesia a eme ka sefaleng, go ikamanya ka Boyena le Lentšu la tshepišo la lebaka leo. Ga se gwa tlwaelega bjang, Mesia a eme godimo pele ga kereke! Gomme lebelelang Mantšu a bohlokwa a, ge A re mo, “Go rera ngwaga wa go amogelega.”

46 “Ngwaga wa kgahlego,” bjalo ka ge ka moka re tseba, bjalo ka babadi ba Beibele, e be e le “ngwaga wa tokologo.” Ka gore, ge makgoba ka moka le bagolegwa, bjalo ka ge ba be ba le, ba tšerwe, kgolego; gomme a swanetše go neela morwa, go lefa molato; goba morwedi, go lefa molato, [Lefelo la go se be le selo godimo ga theipi—Mor.] gomme ba be ba le go tlangweng. Go sa kgathale gore ba bile go tlangweng nako ye kae, goba ba be ba swanetše go dula fao botelele bjang; ge ngwaga o etla, goba tokologo, ge phalafala e be e letšwa, monna yo mongwe le yo mongwe o be a kgona go tloga a lokologile ge a be a nyaka go lokologa. [Lefelo la go se be le selo godimo ga theipi.] O lokologile. O be a sa hlwe o le lekgoba.

47 Eupša ge o be o rata go dula o le lekgoba, gona o be o swanetše go tšeelwa fase tempeleng, o eme kgauswi le kota ya tempele, gomme ba be ba tšea lemao gomme ba thubula lešoba tsebeng ya gago, gomme ka gona o be o swanetše go direla mong yoo wa lekgoba matšatši wohle a gago.

48 A mohlala wa go phethagala e lego wona wa Ebangedi ya Jesu Kriste! Ge E rerwa, nako ya go amogelega, le nako ya Tokologo; mang kapa mang, ga go kgathale gore o mang, o wa mmala wo mobjang, o wa kereke efe ya leina, o okametše bokgole bjo bokae ka sebeng, goba phošo ke eng ka wena; o ka kgona go ya o lokologile ge o ekwa phalafala ya Ebangedi e lla ntle. O lokologile!

49 Eupša ge o retolla magetla a gago godimo ga Molaetša gomme wa gana go O kwa, ela hloko, o be o thubulwa tsebe, ka lemao. Seo se ra, se bolela, gore o tshetše llaene gare ga mogau le kahlolo, gomme o ka se tsoge wa kwa Ebangedi gape. O ka se tsoge wa ya kgolekgole mo go itšego. O swanetše go ba lekgoba la tshapedišo ye o lego ka gare ga yona, matšatši ka moka a gago, ge o gana go kwa ngwaga wa kamogelo.

50 Bjale, karolo ye nngwe ya lona, bjalo ka ge ke boletše, e be e sa nyake go arabiwa, ka baka la gore Mesia yo a tlogo, nako bjale, ke ge A tliša kahlolo.

51 Bjale, batho bao ba be ba ka feila bjang go bona gore O be a le Mang? Ba e fošitše bjang? E be e ka kgona go ba bjang, ge e be e tsebišitšwe pepeneneng le go tsebja? Ba be ba ka kgona bjang go foša go e bona? Ge A . . .

52 A Lentšu! Nagana ka lona, “Letšatši le Lengwalo le le phethagaditšwe pele ga mahlo a lena.” Ke mang a le boletšego? Modimo ka Boyena, Yo e lego mohlatholli wa Lentšu la Gagwe Mong. “Letšatši le Lengwalo le le phethagaditšwe.” Mesia, ka Boyena, a eme ka bogoneng bja phuthego gomme a bala Lentšu go tšwa Beibeleng, le le amago Yenamong, gomme ka gona a re, “Lehono Lengwalo le le phethagaditšwe,” gomme ba ile ba feila go Le bona.

53 A kotsi ye e bego e tla ba yona, eupša e diregile. E diregile dinako tše ntši. E ka kgona go direga bjang? Ka nnete, bjalo ka ge e dirile ka nakong tše dingwe, ka go dumela tlhathollo ya Lentšu ya monna. Seo ke se se e hlotšego. Badumedi bao ka matšatšing ao, ba ba bitšwago badumedi, ba be ba tšea tlhathollo ya seo moprista a se boletšego ka Lengwalo. Ka fao Jesu, e se wa a mangwe a maemo a bona goba disosaiti tša bona, O ile a rakwa go tšwa go dikhamphani tša bona.

54 Gomme, ka fao, ga se ba ke ba Mo amanya le bona, ka baka la gore O be a fapana le bona. Bomotho bja Jesu Kriste bo be bo ikgethile mo e lego gore ga go yo motee a bego a ka foša go bona gore o be a le Morwa wa Modimo, ka baka la gore O be a le boikamanyo bja go phethagala bja Lengwalo leo le bego le ngwadilwe ka Yena.

55 Yeo ke tsela ye Mokriste yo mongwe le yo mongwe a tsebja, ge bophelo bja gagwe bo hlatha tšona dilo tše Mokriste a swanetšego go di dira.



56 Ka fao A kgonnego go ema fao gomme a re, “Letšatši le Lengwalo le le phethagaditšwe thwi pele ga mahlo a lena!” Ka mokgwa wa go ikgetha, ka go ba pepeneneng, gomme go le bjalo batho bao ba ile ba foša go kwešiša. Ka baka la eng? Ka baka la gore ba tšere tlhathollo ya tshepedišo ye e itšego ya baprista ye ba bego ba e theeditše.

57 Gomme histori ka mehla e ipušeletša ka boyona. Gomme Lengwalo le na le dipolelo tše pedi ka go Lona, le kutollo tše pedi.

58 Mohlala, go swana le ge le bolela ka Beibeleng, gore, “Ke beditše morwa wa ka go tšwa Egepeta,” e ra Jesu. Kitimiša mothalo go leo, gomme o tla hwetša ntle, gape le be le era Jakobo, Lengwalo le le swanago. Jesu e be e le Morwa wa Gagwe yo mogologolo. Jakobo e be e le morwa wa Gagwe yo A mmiditšego go tšwa Egepeta, leo tšhupetšo ya Scofield le ka moka ditšhupetšo tše dingwe di e fago go yona, ka baka la gore Lengwalo le be le e šupa. Ka fao le bile le—le dikarabo tše pedi; le bile le karabo go Jakobo a biletšwa ntle, le go Jesu a biletšwa ntle.

59 Gomme ka fao go bjalo lehono! Ke ka baka la gore re ka tlhakahlakanong ye re lego ka go yona, gomme batho ba feila go bona Therešo ya Modimo, ke ka baka la gore fao go na le ditlhathollo tše ntši kudu tša Lentšu la Modimo tša madirwa ke motho. Modimo ga a nyake yo a itšego go hlatholla Lentšu le Gagwe. Ke mohlatholli wa Gagwe Mong.

60 Modimo o rile, mathomong, “Seetša a se be gona,” gomme fao gwa ba seetša. Seo ga se nyake tlhathollo.

61 O rile, “Kgarebe e tla ima,” gomme e dirile. Seo ga se nyake tlhathollo ye e itšego.

62 Ge. . . Tlhathollo ya Modimo ya Lentšu la Gagwe ke ge A hlatsela le go netefatša gore Le bjalo. Yeo ke tlhathollo ya Gagwe, ka go le dira go tla go phethega. Fao ke mo tlhathollo ya Modimo e lego, ke ge A dira Lentšu la Gagwe go tla go phethega. O Le hlatholla go wena.

63 Go swana le ge go se gwa ke gwa ba seetša, gomme O rile, “Seetša a se be gona,” gomme fao sa ba gona, seo ga se nyake motho yo a itšego go hlatholla.

64 Eupša re hwetša ditshepedišo tša madirwa ke motho di hlakane ka go Lona, gomme, ge o dira, o—o Le bea ka ntle ga llaene. Ka mehla go bile ka tsela yeo.

65 Eupša ke sa nagana ka fao go bego go swanetše go ba go be go ratha ka wona. Nagana ka yona, Mesia! Ka baka la eng ba ile ba feila go Mmona? Ka baka la gore, bona baetapele ba bona ba ba bego ba swanetše go ba ba Mo tsebile, ba ba bego ba swanetše go ba ba na le tsebo ka Lengwalo, bao ba bego ba swanetše go ba le kwešišo ya Mangwalo, ba ile ba nyenyefatša Monna yo gomme ba re, “Ke ngwana wa hlaba, sa—sa mathomo. Re be re ka se dumele Seo.”

66 Mengwaga ka morago, ga re dumele seo. Re ka hwela morero gore re bolele gore O be a le Morwa motswalwa ke kgarebe.

67 Gomme go tla tla go phethega letšatši le lengwe gore, tšona dilo tše re bonago Jehofa a di dira lehono, banna mabakeng a a tlogo, ge a le gona, ba tla hwela selo se re se bolelago lehono. Le tla swanelwa ke go e dira ge leswao la sebata le etla godimo, gomme ga o dumelelwe go rera Ebangedi ka tsela ye. Ge kopano ye kgolo ya dikereke e etla mmogo, ye e lego peakanyo thwi bjale ya kereke ya lefase, o tla swanela go tswalela bopaki bja gago ka bophelo bja gago mong, go Ye.

68 O swanetše go Le dumela bjale. Ge baprista bale ba ka kgona go tsogela godimo, ba ba Mo ahlotšego, ba be ba ka se Mo ahlole. “Eupša,” o re, “ge nkabe ke be ke le fao, nkabe ke dire *bjalo-le-bjalo*.” Go lokile, leo e be e se lebaka la gago. Eupša, le ke lebaka la gago, ye ke nako.

Eupša o re, “Go lokile, ge nkabe A be a le mo!”

69 Beibele e rile, “O swana maabane, lehono, le ka gosafelego,” go swana, ka fao O mo. Eupša, O mo. Bjale ka ge lefase le hlabologile, la ba le legolo, gomme la rutega go feta; O mo ka sebopego sa Moya, wo ba ka se kgonego go o bolaya goba go o bea lehung. O hwile gatee; A ka se kgone go hwa gape. O ile a swanelwa ke go dirwa nama gore Modimo a bewe lehung nameng, bakeng sa sebe. Eupša nako ye A ka se kgone go hwa; Ke Moya wo Mokgethwa.

70 Bjale, go nagana bjang gore ba bile le tšona dilo kgahlanong le Yena! Selo se sengwe gape, gore Yena ga se ake a tšoenale lengwe la mafelo a bona. Ka gona, le a bona, se se be se sa Mo dira motho yo mobe. Ga se ake a tšoenale ya bona—ya bona mekgatlo, ga se ake a tšoenale boprista bja bona, gomme Yena ga se ake a ba le selo go dira le bjona. Gomme ka gona, ka ntle le ka moka tšeo, O lekile go kgeilela fase se ba se agilego.

71 O ile ka tempeleng. Re Mmitšša Monna yo boleta; O be a le, eupša dinako tše ntši re kwešiša ka go fošagala se boleta bo lego sona.

72 O be a le Monna wa kwelobohloko, eupša go le bjalo nako ye nngwe re feila go kwešiša se kwelobohloko e lego sona. E sego go kwela bohloko ga setho, ga se kwelobohloko. Eupša, *kwelobohloko* ke “go dira thato ya Modimo.”

73 O fetile go kgabola mogobeng wa—wa Bethesda, kgoro. Fao go be go robetše batho, lešaba la bona. Lešaba ga se palo ye e itšego. Eupša fao go be go robetše lešaba; digole, difofu, dihlotša, ba go omelela. Gomme O be a na le kwelobohloko go batho, ka mehla. Gomme O ile go motho yo motee yo a bego a se a golofala, e se sefofu, e se sehlotša, goba go omelela; mohlomongwe o be a na le bothata bja proseteite, mohlomongwe o be a na le bofokodi bjo bonnyane bja go

šalela. O bile le bjona mengwaga ye masometharoseswai. Bo be bo sa ye go mo tshwenya, bo be bo sa ye go mmolaya. O be a robetše godimo ga leako. Gomme A re, “A o nyaka go fola?”

<sup>74</sup> Gomme monna a re, “Ga ke na le yo a mpeago ka meetseng, eupša ge ke sa tla, go lokile, yo mongwe o gatela tlase pele ga ka.” Le a bona, o be a kgona go sepela, o be a kgona go bona, o be a kgona go ya go dikologa, eupša o be a no fokola.

<sup>75</sup> Gomme Jesu a re go yena, “Tsogela godimo. Tšeela mpete wa gago godimo gomme o ye ngwakong wa gago.” Gomme Jesu o ile a botšišwa ka seo, ka gore le a elelwa Lengwalo le boletše se.

<sup>76</sup> Ga go makatše! Ge A ka tla Jeffersonville bošegong bjo gomme a dira tiragatšo ya go swana le yeo, ba tla no bolela ka Yena.

<sup>77</sup> Eupša, elelwang, O tlile go dira selo se setee, e be e le thato ya Modimo. Bjale, yeo e hwetšwa ka go Mokgethwa Johane 5:19, o tla hwetša karabo. O rile, “Ruri, ruri, Ke re go lena, Morwa ga a kgone go dira selo ka Boyena; ge e se se A bonago Tate a se dira, seo ke se Morwa a se dirago.”

<sup>78</sup> Bjale, ba be ba swanetše go ba ba tsebile gore seo e be e le gona go hlatsela seprofeto sa Moshe, “Ka gore Morena Modimo wa lena o tla tsoša Moprofeta wa go swana le nna.”

<sup>79</sup> A le ile la ela hloko, ge A bona monna, O rile . . . Jesu o be a tseba gore o bile ka leemong le lebaka la mengwaga ye mentšhi. Le a bona, e le Moprofeta, O bona monna yola ka leemong lela; gomme a ya tlase kua gomme a phaya—a phaya tsela ya Gagwe go dikologa go putla batho bao, a pitletša go putla lešaba, go fihla A hwetša monna yoo a itšego.

<sup>80</sup> A feta digole, dihlotša, difofu, le ba ba omeletšego, go le bjalo e le Monna wa go tlala kwelobohloko. Eupša, *kwelobohloko* ke “go dira thato ya Modimo.”

<sup>81</sup> Bjale, re a Mo hwetša, ge A be a sa tšoenane le bona, O be a se na le selo go dira ka mafelong a bona, ka gona O be a le molahlwa. O be a se na le ge e ka ba eng. . .

<sup>82</sup> Ka ntle le yeo, O ile ka tempeleng letšatši le lengwe. Monna o ile ka kua gomme a hwetša ngwako wa Modimo o tšhilafaditšwe go swana le ka fao o lego lehono. Ba be ba reka, ba rekiša, ba neelana tšhelete. Gomme A menola ditafola tša tšhelete; a tšea dithapo a di loga, gomme a itia baneelane ba tšhelete go tšwa tempeleng. Gomme A lebelela godimo ga bona ka pefelo, gomme a re, “Go ngwadilwe,” haleluya, “Ngwako wa Tate wa Ka ke ngwako wa thapelo; gomme le o dirile lefelo la bahlakodi. Gomme lena, ka ditšo tša lena, le dirile melao ya Modimo ya go hloka maatla.”

<sup>83</sup> Oo, a sehlopha sa go swana le seo se be se ka kgona go Mo dumela? Aowa, mohlomphegi. Ba be ba pshikologa-sekolobe ka lerageng la disosaite le tšhila ya letšatši, go fihla ge ba be ba sa

ikwela meroromelo ya Maatla a Modimo Ramatlakamoka. Ga go makatše ge mosadi yo monnyane a ile a kgwatha seaparo sa Gagwe gomme a fodišwa ke Wona; gomme lešole la go tagwa le ile la kgona go tshwela ka sefahlegong sa Gagwe gomme la se ke la ikwela bokwala! Go ya le gore o E batamela bjang. Go ya le gore o nyaka eng. Ge o eya kerekeng, go ya le gore o nyaka eng.

<sup>84</sup> Bjale re Mmona a eme fale. Ntle le go kamaka eupša batho ba šetše ba mo sebotitše, sebotitše... moprista o sebotitše batho, “Bjale O tla godimo mo Sabatha ye e tlogo, gomme, ge A dira, le se ke la Mo theetša. Bjale, le ka no ya gomme la dula mo, eupša le se ke la neela šedi go se A se bolelago, ka baka la gore Yena ga se wa sehlopha sa rena. Ke molahlwa. Yena ga a na le karata ya kopanelo. Yena ebile ga a na le mokg-... pampiri ya mokgatlo le yena. Yena ga a na le selo sa go swana le seo.”

“Yena ke eng?”

<sup>85</sup> “Mošemane wa legwaragwara yo a tswetšwego tlase mo, tswalo ya ntle ga molao, lapeng la mmetli, yo mme a Mo imilego pele ba nyalana, gomme ba leka go uta selo ka selo sa ka godimogatlhago.

<sup>86</sup> “Re a tseba gore, ge Mesia a etla, O tla tla go theoga mekgoba ya Legodimo gomme a ya go moprista yo mogolo wa rena gomme a re, ‘Ke nna yo, Keyafa.’” Eupša re hwetša ntle gore Yena ga se a dira ka tsela yeo, ka baka la gore go be go se gwa ngwalwa ka tsela yeo ka Lentšung. E be e le setšo sa madirwa ke motho se se ba dirilego gore ba dumele seo.

<sup>87</sup> Lentšu le boletše gore O be a tla tla ka tsela ye A tlilego. Gomme fao O be a eme, a bala Lentšu, gomme a re go bona, “Letšatši le Lengwalo le le phethagaditšwe mahlong a lena.” Gomme go le bjalo ba feila go Mmona goba go Mo lemoga, go swana le ka mo ba dirilego ka go mabaka ka moka.

<sup>88</sup> Noage a ka be a kgonne go bolela selo se se swanago, letšatši le a tsenago ka arekeng gomme mojako o tswalelwa. Moshe a ka be a emišitše lefasetere lela ka godimo ga areka, a lebelela ntle godimo ga phuthego... Elelwang, Modimo o tswalelwe mojako. Gomme a kabe a kgonne gore, “Letšatši le Lengwalo le le phethagaditšwe mahlong a lena,” eupša go be go latile kudu go bona nakong yeo. O be a rerile mengwaga ye lekgolo le masomepedi, go leka go ba tliša ka sekepeng sela a se agilego, a ba botša gore Lengwalo le rile, “GO RIALO MORENA, e ya go na,” eupša ba letile botelele kudu. Eupša Noage o be a ka kgona go bolela seo ga bonolo, “Lehono, letšatši le, Lengwalo le le phethagaditšwe.”

<sup>89</sup> Moshe, letšatši le le swanago leo Pilara ya Mollo e tlilego fase godimo ga Thaba ya Sinai gomme ya fa bohlatse go bopaki bja gagwe, Moshe nkabe a ile a re, “Letšatši le Lengwalo le le phethagaditšwe.”

<sup>90</sup> Moshe, le a tseba, e be e le monna yo a biditywego wa Modimo, moprofeta. Gomme ge a be a bitšwa, e le moprofeta, o be a swanetše go ba le boitemogelo bja ka godimogatlhago. Gore a be moprofeta, o be a swanetše go gahlana le Modimo sefahlego ka sefahlego le go bolela le Yena. Gomme selo se sengwe gape, se a bego a se bolela se be se swanetše go tla go phethego, goba ga go yo motee a bego a tla mo dumela.

<sup>91</sup> Ka fao ga go monna yo a nago le tokelo ya go ipitša ka boyena ka mokgwa woo go fihla ge a bolela sefahlego ka sefahlego le Modimo, ka lehlakoreng la morago la leganata felotsoko, mo a kopanego le Modimo, ka boyena. Gomme ka moka bahlokamodimo lefaseng ba ka se kgone go e hlatholla go tšwa go yena; o be a le fao, o a tseba gore e diregile. Mokriste yo mongwe le yo mongwe o swanetše go ba le boitemogelo bjoo pele ba bolela eng kapa eng ka go ba Mokriste. Boitemogelo bja gago mong!

<sup>92</sup> Ke boletše le motlogolo wa ka, lebakana la go feta, mošemane yo monnyane wa Katoliki, yo a rilego, “Malome Bill, ke kitimile go tšwa pilareng go ya koteng, ke eya mo gohle, ke leka go hwetša selo se sengwe.” Bošego ka morago ga bošego, pele kopano ye e be e ka thoma, o be a lla. Gomme nakong ya bošego, o be a lora ditoro tša go tla ka gare, a kitimela godimo go ya aletareng, moo thero, le go dira boipolelo e bego e le bja go fošagala.

<sup>93</sup> Ka re, “Melvin, ga go kgathale mo o lekago go ya, o tšoenne kereke tše kae, ke ‘Dumela Maria,’ tše kae o di bolelago, goba ke ditšhegofatšo tše kae o di hwetšago go tšwa go monna, o swanetše go tswalwa gape ke Moya wa Modimo. Seo ke selo se nnoši se ka kgotsofatšago pelo ya motho.”

<sup>94</sup> Seo, ke a tseba ba na le kemedi, lehono, ya go tswalwa gape, e no šišinya diatla le moreri gomme o bee leina la gago godimo ga puku. Eupša, bagwera, yeo ke thutotheo. Ga se Therešo ya Beibele. Ge e ka ba, Ditiro tša Baapostola, go ya 2 tema, e be e tla balwa ka mokgwa wo, “Ge Letšatši la Pentecost le tlile ka botlalo, modiša o sepeletše ntle gomme a šišinya diatla le batho.”

<sup>95</sup> Eupša e rile, “Ge Letšatši la Pentecost le tlile ka botlalo,” tlhomong ya Kereke, “fao go tlile modumo go tšwa Legodimong bjalo ka phefo ye maatla ya go kitima, gomme ya tlala ngwako moo ba bego ba dutše.” Wo ke mokgwa wo Moya wo Mokgethwa o tlilego nako ya mathomo. Wo ke mokgwa wo O tlogo nako ye nngwe le ye nngwe e sa le go tloga nako yeo. Ke Modimo, gomme ga a fetoge. Bjale, O thitša batho.

Ba re, “Ke sa letšatši le lengwe.”

<sup>96</sup> Go lokile, O a swana maabane, lehono, le ka gosafelego. Nako ye nngwe le ye nngwe ge Kereke e kile ya amogela Moya wo Mokgethwa, ka mehla O tla ka mokgwa wo A dirilego nako ya pele, ka fase ga taelotšhomišo ye e swanago, Ditiro 2:38; ga se ya ke e fetoga, e ka se tsoge ya fetoga.

<sup>97</sup> Bjalo ka taelotšhomišo ya ngaka ya bolwetši. O tla ngwala taelotšhomišo ya bolwetši, ngaka o a dira. Gomme o tšee o iše go setswialegotlo sa dihlare, o tla bea sehlare se sentši ka go yena, e fokola kudu gomme e ka se go dire botse bjo bo itšego; ge a tšhela mpholo wo montši ka go sona, o tla go bolaya. E swanetše go ba go ya ka ngaka.

<sup>98</sup> Gomme taelotšhomišo ya ngaka ka mokgwa wa go amogela Moya wo Mokgethwa e fiwa rena ke Ngaka Simone Petro, ka Letšatši la Pentecost. “Ke tla le fa taelotšhomišo. Sokologang, yo mongwe le yo mongwe wa lena, gomme le kolobetšwe Leineng la Jesu Kriste tebalelong ya dibe, gomme le tla amogela neo ya Moya wo Mokgethwa. Ka gore taelotšhomišo ke ya bona ba ba lego kgole, le ba bantši ba Morena Modimo wa rena a tlogo go ba bitša.” Taelotšhomišo ya ka Gosafelego!

<sup>99</sup> Moshe o bile le boitemogelo bjo. O ile tlase ka nageng gomme a thoma go botša batho, “Ke kopane le Pilara ya Mollo. E be e le ka sethokgweng se se tukago. Gomme O mpoitšhe gore ke le botše, ‘KE NNA YO A LEGO GONA. Eya tlase; Ke tla ba le wena. Tšea lepara godimo ka seatleng sa gago gomme le swarele godimo bokagodimo ga Egepete; eng kapa eng o e kgopelago, e tla dirwa.”

Go lokile, go molaleng moprista yo mongwe o rile, “Go hloka tlhaloganyo!”

<sup>100</sup> Eupša ge ba bone dintlha tša nnete tša se, se tšea, se etla go phethega, ga se ba ke ba kgona go e swara botelelelelele gape. Ba ile ba tseba gore o be a romilwe ke Modimo.

<sup>101</sup> Ka gona, ge Moshe a boletše gore o bone seo, gomme a paka go yona go ba Therešo, gona Modimo o rwele boikarabelo, ge seo e le Therešo, go amanya le go hlatsela lentšu le monna yola, Therešo. Seo ke therešo.

<sup>102</sup> Ge Jesu Kriste a be a eme mola gomme a bala, letšatši lela, “Letšatši le Lentšu le le phethagadišwe pele ga lena,” Modimo o rwaala boikarabelo go dira Lentšu lela go tla go phethega.

<sup>103</sup> Re eme mo bošengong gomme re bolega, gore, “Jesu Kriste o a swana maabane, lehono, le ka gosafelego.” Modimo o rwele boikarabelo bja go kgonthiša gore go bjalo, ka baka la gore Ke Lentšu la Gagwe. Bjale, le dira eng? Go tšea tumelo, go Le dumela. Go tšea tumelo, go dumela Lentšu la Gagwe, gore Ke Therešo.

<sup>104</sup> Elang hloko se se tlogo go phethega ge Moshe a ntšhetša bana ka ntle, le ka moka bao ba bego ba mo latela. Bao ba go se mo latele ba šetše ka Egepete. Eupša bao ba go latela Moshe, ge ba etla ka ntle ga Lewatle le Lehubedu gomme ba tla ka ntle go ya ka lešokeng, Modimo o tlile fase godimo ga Thaba ya Sinai. Pilara yela ya Mollo e tukišitše thaba yohle ka mollo, gomme Lentšu le boletše go tšwa fao, gomme Modimo o file melao ye lesome.

105 Moshe o be a ka kgona go sepelela godimo fao pele ga batho, gomme a re, “Letšatši le Lengwalo le ke le boditšego lona, bjalo ka moprofeta wa Gagwe, le tla go phethega letšatši le. Ke le boditše gore Modimo o kopane le nna, gomme godimo kua ka sethokgweng se se tukago, ka Pilareng ya Mollo, gomme O boletše se, ‘Ke tla . . . Se e tla ba leswao. O tla tliša bona batho thwi morago lefelong le gape.’ Gomme Modimo o fao, ka Pilareng ya Mollo ye e swanago ke le boditšego gore O be a le ka go yona, e lekeletše thwi bogodimo thabeng. Letšatši le seprofeto se se phethagaditšwe. Šo Yena o hlatsela gore dilo tše ke di boletšego ke Therešo.”

106 Modimo re fe banna ba bantši ba ba bjalo, ba ba botegago le go hlokofala, gomme ba bolela Therešo, gore Modimo Ramaatlakamoka o kgona go hlatsela gore Lentšu la Gagwe e sa le Therešo! O dula a swana maabane, le ka mehla. Ka baka le eng A se a kgona go e dira? O tshepišitše go e dira.

107 Joshua a ka be a boletše sa go swana, letšatši le a etla morago go ya Kades-barnea, fao ba sepetšego bokgole bjo ka lešokeng. Ba be ba kamaka naga go ba mohuta wa naga ye Modimo a rilego e tla ba yona. Eupša Modimo o be a ba boditše gore e be e le naga ye botse, e be e ela maswi le todī. Gomme Joshua le Kalebe e be e le ba babedi feela ba ba go e dumela, go tšwa go ba bangwe ba lesome ba ba go tloga. Ge ba etla morago, ba be ba na le bohlatse; ba be ba na le mokgotho wa diterebe wo banna ba babedi ba go tia ba bego ba kgona feela go o rwala.

108 Joshua le Kalebe be kabe ba kgonne go ema thwi fao gomme ba re, “Letšatši le Lengwalo le le phethagaditšwe. Bohlatse šebo gore ke naga ye botse.” Nnete. Ka baka la eng? “Šebo bohlatse bja gore ke naga ye botse. O be o ka hwetša kae dilo tše bjalo ka tšeo, ka Egepeta? Fao ga go mafelo a mabjalo. Eupša letšatši le Lengwalo le le phethagaditšwe.”

109 A ka be a ile a kgona go bolela selo, go swana, ge a be a profeta gomme a re maboto a Jeriko a be a tla wela fase ka morago ga ge ba matšhitše go dikologa makga a šupa, matšatši a šupa, makga a šupa ka letšatši. Gomme ge ba matšhitše go dikologa lekga lela la mafelelo, maboto a wela fase. Joshua o be a ka kgona go emella gomme a re, “Letšatši le, Mokapotene Mogolo wa dira tša Morena yo a mpoditšego dibeke tša go feta gore e be e tla direga ka mokgwa wo, letšatši le Lengwalo le le phethagaditšwe.” Fale go robetše maboto, go batalla fase. “Etlang pele, a re yeng go e tšea. Ke ya rena. Letšatši le Lengwalo le le phethagaditšwe.”

110 Go makatša bjang, banna ba Modimo ba emetše dilo tše di nepagetšego!

111 Israele, nokeng, ge ba hutše naga, ba ile ba tshela. Ba ya go e dira bjang? Ke kgwedi ya Aporele. Mafula a tla go theoga ka baka la gore lehlwa le a tologa, godimo ka Judea. Oo, Modimo

o bonagetše e le mogenerale wa go se kgone bjang, go tliša batho ba Gagwe fao, ka kgwedi ya Aporele, ge Jorodane e be e le godimodimo go feta ka fao e kilego ya ba. Nako ye nngwe. . .

<sup>112</sup> Ke be nka kgona go ema mo, ge nkabe ke na le nako, go le fa temošo ye nnyane feela. Nako ye nngwe o ka no ba o dutše ntle fao le kankere, goba o ka no ba o dutše le bolwetši; o a nagana, “Ka baka la eng, nna, ke le Mokriste, nka ba ka tsela ye? Ka baka la eng ke swanetše go be ke dutše ka mokgwa wo, ge ke le Mokriste?” Nako ye nngwe Modimo o dumelela dilo go ba leswiswi kudu go fihla o sa kgone go bona godimo, tikologong, goba kae kapa kae gape, gomme ka gona O a tla gomme o dira tsela go e kgabola bakeng sa gago, gore o tle o re, “Letšatši le Lengwalo le le a phethagatšwa, gore O tshepišitše go dira.”

<sup>113</sup> O tlogetše bana ba Bahebere go sepelela thwi ka leubeng la mollo. Ba rile, “Modimo wa rena o kgona go re phološa go tšwa leubeng le la mollo. Eupša, le ge go le bjalo, re ka se ke ra khunamela seswantšho sa gago.” Ge ba sepelela ka ntle ga fao, monkgo wa leuba godimo ga bona. . . go se monkgo wa leuba, ke ra gore, godimo ga bona; ba ka be ba ile ba kgona gore, “Letšatši le Lengwalo le le phethagaditšwe.”

<sup>114</sup> Ge Daniele a etšwa legolong la ditau, o be a ka kgona go bolela selo se se swanago.

<sup>115</sup> Johane Mokolobetši. Ka morago ga mengwaga ye makgolonne ya thuto ya kereke, ga go makatše gore kereke e be e le ka go tlhakanantswiki ka nako yeo! Ge a tšwelela ka lešokeng, Jorodane, a ka be a kgonne go ema thwi fao lebopong, bjalo ka ge a dirile, gomme a re, “Letšatši le Lengwalo le, Jesaya 40, e phethagaditšwe.”

<sup>116</sup> Ka fao nka kgonago go ema mo gomme ke le botše seo moprista yola wa go tšofala a mpoditšego sona! O rile, “Morwa, ga se wa fetša Molaetša wola.”

Ka re, “Homola.”

A re, “O ra gore bona Mapentecost ga ba bone seo?”

Ka re, “Aowa.”

<sup>117</sup> A re, “Ke a o bona.” Gomme moprista wa Katoliki, gape! Uh-huh. A re, “Ka baka la eng o be o sa ye pele?”

Ka re, “Homola.”

A re, “Letago go Modimo! Ke a o bona.”

<sup>118</sup> Gomme e ka ba ka nako yeo Moya wo Mokgethwa wa wela godimo ga kgaetšedi wa gagwe, a dutše ntle kua ka kopanong. Gomme o ile a emella, a bolela ka maleme a go se tsebje, a fa tlhathollo ya sona selo se moprista le nna re bego re bolela ka sona, sefaleng. Kereke yohle, lefelo lohle, la ya ka go goweng. Ya rwalelwa godimo ka go khonferense ya Oral Roberts beke ya go feta, goba beke pele ga ya go feta, gomme e be e le polelo



ya khonferentshe. Ka fao moprista yola . . . A dutše ka fase ga Moya wo Mokgethwa, o utolotše ntle fao ka mosadi, kgaetšedi wa gagwe ke a dumela e be e le, ka seo se bego se direga godimo kua sefaleng, le go utolla selo sela se re bego re se otile.

<sup>119</sup> Iri ye re phelago ka go yona, letšatši le Lengwalo le le phethagaditšwe. Letšatši le Dietša tša mantšiboa di tlile, gomme re feila go Se bona. Elang hloko.

<sup>120</sup> Johane o rile, “Letšatši le ke nna ‘lentšu la yo a goeletšago ka lešokeng,’ bjalo ka ge go boletše moprofeta Jesaya. Lokišang tsela ya Morena!”

<sup>121</sup> Ga se bake ba le kwešiša. Ba re, “Oo, ke wena Jesu . . . ke wena—ke wena Kriste,” ke ra gore.

<sup>122</sup> A re, “Ga se nna Kriste.” A re, “Ga ke na le maswanedi a go tlemolla dieta tša Gagwe. Eupša,” a re, “O eme magareng ga lena, felotsoko,” ka gore o be a na le nnete gore O be a tla ba fao. O be a tla ba ka letšatšing la gagwe, ka baka la gore Modimo o mmoditše gore o be a tla tsebiša Mesia.

<sup>123</sup> Letšatši le lengwe Monna yo moswa a tla a sepelela tlase go kgabola fao, gomme a bona sa go swana le Seetša bokagodimo godimo ga Gagwe, leswao. Gomme a goelela, “Bonang Kwana ya Modimo! Letšatši le Lengwalo le le phethagaditšwe pele ga lena.” Nnete.

<sup>124</sup> Ka Letšatši la Pentecost, ka fao Petro a emeletšego gomme a tsopola Lengwalo la bona, la Joele 2:38. Ge, ka moka ba be ba sega, batho bao. Ba be ba sa kgone go bolela leleme la bona beng. Ba be ba beberetša se sengwe gape. Beibele e rile, “A maphakga maleme.” *Maphakga* ke “go arogana” leleme, e sego go bolela selo, go no beberetša. Go kitima go dikologa bjalo ka sehlopha sa batho ba ba tagilwego!

<sup>125</sup> Ka moka ba rile, “Go lokile, batho ba ba tagilwe. Ba lebeleleng, ka mokgwa wo ba dirago, ka fao bona basadi le banna. Ba tšwele taolong,” gwa bolela sehlopha sela sa badumedi ba letšatši leo.

<sup>126</sup> Petro a emella magareng ga bona, a re, “Banna le baena, lena ba le dulago Jerusalema, le lena ba le dulago Judea, a go tsebje go lena gore batho ba ga se ba tagwa, bjalo ka ge le nagana, ka go bona gore ke iri ya boraro ya letšatši. Eupša se ke se se boletšwego ke moprofeta Joele, ‘Go tla tla go phethaga ka matšatšing a mafelelo, Ke tla tšhollela Moya wa Ka godimo ga nama ka moka.’ Letšatši le Lengwalo le le ile la phethagatšwa.” Nnete.

<sup>127</sup> Luther o be a le thwi nakong. Wesley o be a le thwi nakong. Pentecost e be e le thwi nakong. Ga go selo se tšwelego taolong.

<sup>128</sup> Bjale ke le kgopela gore le tšeeleng hlogong lebaka le nako ye bjale re phelago ka go yona, ka Lentšu le le tšhephišitšwego le hono. Ge morago ka go mabaka a mangwe, banna ba kgonne

gore, “letšatši le Lengwalo le,” “letšatši le Lengwalo le,” gona go reng ka Lengwalo la letšatši le? Tshepišo ya letšatši le ke eng? Na re eme kae? Re phela iring efe; ge tleloko e itia, tleloko ya sesaentshe, metsotso ye meraro pele ga bošegogare? Lefase le na le metlhakgaselo. Kereke e ka mpeteng wa tshenyego. Fao ga go motho yo a tsebage moo ba emego. Ke nako mang ya letšatši? Go reng ka Lengwalo la letšatši le? Maemo a kereke, goba, maemo a kereke lehono!

<sup>129</sup> Lefase, dipolitiki, tshepedišo ya rena ya lefase, e nno bola ka fao e kgonago go ba. Ga se nna radipolitiki. Ke nna Mokriste. Eupša, ga ke na le lebaka la go bolela ka dipolitiki, eupša ke no nyaka go bolela gore di bodile ka mahlakoreng ka moka.

<sup>130</sup> Ke boutile gatee, e be e le ya Kriste; ke swanetše go wina. Yena diabolo o boutile kgahlanong le nna, gomme Kriste o boutetše nna; go ya ka gore ke ka tseleng efe mo ke lahlelago bouto ya ka. Ke thabile ke e lahletše godimo ga Gagwe; a lefase le bolele se ba nyakago go se bolela. Ke sa no dumela gore O a swana maabane, lehono, le ka gosafelego. O tla e kgonthiša. Ka nnete O tla dira. Nnete.

Go oketšega ga bosenyi, go seleka ga baswa!

<sup>131</sup> Lebelelang setšhaba sa gešo, gatee se be se le lepolomo la lefase. Temokrasi ya rena ye kgolo e dirilwe morago ka—ka...go tsebagatšo ya boipušo. Gomme tsebagatšo ya boipušo e saennwe, gomme re ba le temokrasi. Gomme botatemogolo ba bagolo ba rena, le dilo tše ba di dirilego; re bile le setšhaba se segolo.

<sup>132</sup> Eupša bjale se bodile, gomme ke mafofora, gomme se a roromela, gomme se a ineela. Gomme se leka go lefiša batho motšhelo, go hwetša tšhelete go romela ka kua, go reka segwera le manaba a bona; ba e lahlela morago ka sefahlegong sa rena. Ntwa e tee ya lefase, ntwā tše pedi tša lefase, gomme re sa sepela go ya go ya boraro e tee. Nnete. Dipolitiki di bodile, di senyegile, di bodile go fihla botlase. Feela tlwa se Mateo 24 e boletšego gore se tla ba, “Setšhaba se tla ba kgahlanong le setšhaba, mmušo kgahlanong le mmušo.” Ka moka dilo tše di tla direga. A re išeng se hlogong bjale. Ka moka gabotse.

<sup>133</sup> Elang se sengwe hloko, go oketšega ga dinyakišišo tša sesaentshe. Bjale, nako ye nngwe, feela...Tatemogolo wa ka o ile a ya go bona mmamogolo wa ka, ka kariki ya dipholo. Bjale ke sefofane sa tšete, goba le go dikologa go ya ka moyeng, go ya ka lefaufaug la ntlentle. Ke se segolo...Ka fao, ke mang yo a boletšego se? Daniele 12:4, e rile, “Tsebo e tla oketšega matšatšing a mafelelo.” Re bona iri ye re e phelago. Elang hloko bjale ma—maemo a lefase, maemo a saentshe.

<sup>134</sup> Gomme elang hloko gape, lehono, ka go tshepedišo ya rena ya thuto. Bjale le se ke la leka go gana se. Ke na le diripana tša kuranta, go ruta thobalano ka ker-...ka dikolong tša rena, ya

barutwana ba bannyane go ba le tswalano ya tša thobalano yo motee go yo mongwe, go bona ge ba ka se kgone go nyalana lefaseng. Eye, mohlomphegi.

<sup>135</sup> Go bjang ka go boprsta bja rena? Bošegong bjo ke na le seripa go tšwa pampiring. Ka kua ka Los Angeles, California, ya fao sehlopha sa banna ba boruti, ba Baptist le ba Presbyterian, badiredi, ba tlišitše sehlopha sa ba bongboswana ka gare gomme ba be ba phorakathisa bongboswana, ba re ba be ba leka go ba thopela go Modimo. Ge, yeo e le e tee ya dithogako tša iri, Bosodoma! Gomme molao wa be wa ba swara.

<sup>136</sup> Bjale a re kae? Tshepedišo yohle ya rena e boletše ntle go tšwa ka tlase ga rena. Ke bone go oketšega ga bongboswana go kgabaganya United States go oketšega ka tše masomepedi goba masometharo a peresente ka godimo ga ngwaga wa go feta. Nagana ka seo, monna a phela le monna, feela tlwa go swana le ka mo ba dirilego ka Sodoma.

<sup>137</sup> Go oketšega ga bosenyi, go seleka ga baswa! Ke iri efe re e phelago? Letšatši le seprofeto se sa Lentšu se phethagaditšwe.

<sup>138</sup> Lefase la bodumedi, kereke ka boyona, kereke, kereke ya go biletšwa-ntle, yeo re e bitšago kereke ya go biletšwa-ntle, lebaka la kereke la mafelelo, lebaka la kereke ya Pentecost, e kae? E ka Laodikia, bjalo ka ge Lengwalo le boletše.

<sup>139</sup> Lehono ba hlephišitše dithapo. Basadi ba bona ba apere seripa. Banna ba bona ba . . . Ke selo sa go šiiša. Ba bangwe ba bona ba nyetše makga a mararo goba a mane, makgotleng a matikone, le se sengwe le se sengwe gape. Ba hlephišitše, gomme ba tlišitše tshenyego ka gare, ka baka la gore ba beile khantshele ka gare gomme ba tšea lefelo le lefase.

<sup>140</sup> Gomme, lehono, ba na le meago ye mekaonekaone, ba kilego ba ba le yona. Lefelo le lengwe, ye tee ya tšona e aga otithoriamo ya ditolaro tše milione tše makgolotlhano, milione tše makgolotlhano tša ditolaro. Mapentecost! E be e fela e eba tlase khoneng, mengwaga ye masomepedi-tlhano ya go feta, e itia tampoine. Ba rile, “Re . . .”

<sup>141</sup> Ka baka la gore, Lengwalo le boletše, ka go Kutollo 3, gore o “‘Humile,’ a re, ‘Ke humile. Ke dutše bjalo ka mohumagadi. Ga ke hloke selo.’ Gomme ga o tsebe gore o madimabe, o a šokiša, o modiidi, o a ponoka, o foufetše, gomme ga o tsebe!”

<sup>142</sup> Letšatši le Lengwalo le le phethagaditšwe mahlong a lena. Amene! *Amene* e ra gore “a go be bjalo.” Ga ke itirele amene ka bonna, eupša ke ra gore ke a dumela gore Ke Therešo. Letšatši le Lengwalo le le phethagaditšwe.

<sup>143</sup> Kereke ya Pentecost e lemong la Laodikia. Oo, ba sa taboga ba goelela, gomme ba tšwela pele ge mmimo o rethetha. Ge mmimo o ema go rethetha, goba morethetho wo o amanago le tše dingwe wa mmimo ba bangwe ba bona ba a e raloka gomme ba o bitša Bokriste, gomme ge woo o ema, letago ka moka le ile. Ya.

144 Ge e le go tumiša Modimo ka nnete, ga go na le melodi ya go lekanela le a go lekanela—lekanela maatla lefaseng go e emiša. Ge ka nnete e etšwa go Modimo, ga go tšee mmimo go itielala godimo. Go tšea Moya wa Modimo go tla tlase go yona. Seo ke se se e dirago.

145 Gomme ba O lebetše kgale, ka baka la gore ba beile mpho ya Moya wo Mokgethwa ka legorong, “bohlatse bja mathomo bja go bolela ka maleme.” Gomme ke kwele bodiabolo le baloi ba bolela ka maleme.

146 Moya wo Mokgethwa ke Lentšu la Modimo ka go wena, wo o ikamanyago ka Bowona ka go amogela Lentšu leo. Ka ntle ga seo, e ka se be Moya wo Mokgethwa. Ge o re ke Moya wo Mokgethwa, gomme wa gana Lentšu le letee la Beibele, e ka se kgone go ba Moya wo Mokgethwa. Bjo ke bohlatse bja ge eba o a dumela goba aowa.

147 Elang hloko leswao le lengwe le legolo. Bajuda ba ka nagalegaeng ya bona; setšhaba sa bona beng, tšhelete ya bona beng, leloko la Ditšhaba Kopano. Ba na le madira a bona. Ba na le se sengwe le se sengwe. Ba ka nagalegaeng ya bona; yeo, Jesu a rilego, “Ithuteng seswantšho sa mohlare wa mogo.” Šebao ba fao, morago thwi ka setšhabeng sa bona. Letšatši le Lengwalo le le phethagaditšwe, Bajuda ka nagalegaeng ya bona.

148 Letšatši le Lengwalo le le phethagaditšwe, Lebaka la Kereke ya Laodikia.

149 Letšatši le Lengwalo le, Mateo 24, e phethagaditšwe. Lefase le ka tshenyego, selo sohle; ditšhaba kgahlanong le ditšhaba, ditšhišinyego tša lefase ka mafelong a go fapana, disesedi tše kgolo di tla fase, di šišinya ditšhaba, le go ya pele, masetlapelo a magolo gohle. Letšatši le Lengwalo le le phethagaditšwe.

150 Bjale re hweditše ntle seemo sa lefase. Re bona fao kereke go itekanela, go itekanela...Mokgatlo, kereke ya leina, re bona fao di lego. Re bona fao ditšhaba di lego. Gomme re a bona gore letšatši le ditshepišo tše di phethagaditšwe.

151 Bjale, eupša ka letšatšing le go ya go tla ya godimo, Peu ya Bogoši ya Abraham. Seo ke tlwa se E tlogo go ba sona, e tla ba Monyalwa wa Bogoši go wa Bogoši, Morwa wa tshepišo. Bjale ka ge ke boletše bošego bja go feta, e ka se be peu ya tlhago, e tla ba Peu ya semoya. Fao go ya go ba Monyalwa wa semoya yo a tsogelago godimo, yo a tla bago Peu ya Bogoši ya Tumelo ya bogoši ya Morwa wa Bogoši wa Abraham. O swanetše go tla lefelong la tiragalo ka matsatšing a mafelelo, gomme nako le lefelo ke tshepišo ye e neetšwego Yena.

152 Go ya ka Maleaki 4, Lengwalo, fao go swanetše go tsoga Molaetša wo o tla go šišinyetša dipelo tša batho morago go botate ba baapostola gape. Fao go swanetše go tsoga yo motee lefelong, ka maatleng a Eliya, yo a tlogo go tsoga lefelong la

tiragalo; monna wa lešoka yo a tla tlogo ntle, gomme o tla ba le Molaetša wo o tla kitimelago go otlogoga thwi morago go ya go Lentšu gape. Yeo ke iri ye re phelago ka go yona.

<sup>153</sup> Ka gona, išang se hlogong bjale, ke le kgopela mo iring ye, lena batho mo ba Jeffersonville. Ka 1933, Seetša sa ka godimo ga tlhago seo se wetšego fase ka kua nokeng, letšatši lela ge ke be ke kolobetša makgolotlhano Leineng la Jesu Kriste, bjalo ka mošemane wa masomepedi a mengwaga ka bokgale. Na Se ile sa reng, Jeffersonville? Se be se le eng kgauswi le Spring Street kua, ge *Courier Journal*, ke a dumela e be e le *Louisville Herald*, e be e rwele athekele ya Sona? Se ile go rarela go kgabaganya Associated Press, go rarela go ya ka Canada. Ngaka Lee Vayle o rerile go tšwa kurenteng, tsela godimo ka Canada, ka 1933.

<sup>154</sup> Ge ke be ke kolobetša motho wa ka wa bolesomešupa, ka fase ga Hlatse ye; gomme le tseba setori sohle. Gomme ge ke be ke eme fale, ke kolobetša motho wa bolesomešupa, Seetša sa tla fase go tšwa Legodimong, se phadimela tlase godimo fale, bjalo ka Naledi e ewa go tšwa Legodimong. Lentšu la re, “Bjalo ka ge Johane Mokolobetši a rometšwe go tla go eta pele go tla ga pele ga Kriste, Molaetša wa gago o tla eta pele go Tla ga Gagwe la bobedi, go ya lefaseng ka moka.” Letšatši le Lengwalo le le phethagaditšwe.

<sup>155</sup> [Phuthego e thakgetše—Mor.] Letšatši le! [Phuthego e thakgetše kudu gomme e reta Modimo.] Modimo o e ntshephišitše. Na go diregile eng? Letšatši le Se ile go dikologa lefase.

<sup>156</sup> Gomme ge Modimo a tlile fase kua gomme a bolela seo, ge ke be ke le mošemane yo monnyane, ka sethokgweng se se tukago, goba sethokgwa godimo kua, se tukišwa ke Pilara ya Mollo, godimo mo ka lefelong la Wathen ka Utica Pike; ke rwalela meetse morago kua, go tšwa go bobolokelo bja polasa go ya mohlotlong wa moonshine, le tseba therešo ya seo. O rile, “O se ke wa tsoge wa kgoga, goba go nwa, goba go tšhilafatša mmele wa gago, ka gore fao go na le mošomo wa gago ge o eba yo mogologolo.” Ke pakile ka yeo go ba Therešo, gore ke E bone. Gomme Modimo, bjalo ka ge A dirile ka Moshe, a bolela ntle pele ga phuthego tlase ka kua, gomme a re, “Ye ke Therešo.”

Letšatši le Lengwalo le le phethagaditšwe magareng ga rena.

<sup>157</sup> Elang hloko se A se boletšego ka tekolo, le ka fao e bego e tla ba; go tloga go go bea diatla godimo ga bona, go ya go go tseba sephiri sa pelo. Letšatši le Lengwalo le le phethagaditšwe pele ga wona mahlo a rena.

<sup>158</sup> Ditshepišo tše tšeo di dirilwe, elang hloko, ka moka ditshepišo di hlatsetšwe le go phethagatšwa ke Modimo wa tshepišo. Lebelelang, go lekeletše ka Washington, DC, bošengong bjo, senepe sa Morongwa wa Morena!

159 Ge George J. Lacy, hlogo ya FBI ya tša dikgatišo tša menwana le ditokomane tša mmušo wa United States, a ile a Se hlhlofa go tšwa Houston, Texas, gomme a re, “Se ke Sephedi sa ka godimo ga tlhago se nnoši seo se kilego sa tšewa senepe lefaseng ka moka.” O swanetše go tseba; gore ke yo mo kaonekaonekaone lefaseng, bakeng sa lona.

160 Elang hloko, fao Se lekeletše, bjalo ka Therešo, Pilara ya Mollo ye e swanago ye ya go eta pele Israele morago ka kua lešokeng. E etella pele lehono, mohuta wa Molaetša wo o swanago, wa, “Etlang godimo go tšwa Egepeta!”...?... Letšatši le Lengwalo le le phethagaditšwe. Le tseba Molaetša wo A o boletšego.

161 Lebelelang pono ka Tucson, mengwaga ye meraro ya go feta, ge ke eme godimo mo ka mokgotheng. Ge, mengwaga ye mehlano pele ga fao, O rile, “Letšatši le toropokgolo e hlomela kota fase pele ga kgoro yela, retologa ka bowena go lebanya Bodikela.” Setšhaba sa tabarenakele ya ka ba ba lego mo, ba tseba seo sep- . . . na—nako yeo. Seo ke therešo.

162 Gomme letšatši le Mna. Goynes le bona ba le godimo mo, gomme ba hlomela kota yela fase, ke rile go mosadi wa ka, “Fao go na le selo se sengwe ka se.”

A re, “Ke eng?”

Ke ile ka ya ka gare gomme ka lebelela ka pukung ya ka ye nnyane. E be e le fao.

163 Gomme mosong woo wo o latelago, ka iri ya lesome, ke be ke dutše ka fale, kamora ya ka fao, e ka ba ka iri ya lesome, Morongwa wa Morena a tla tlase. O ile a re, “Eya Tucson. O tla ba lebowabohlabela bja Tucson, gomme fao go tla tla Barongwa ba šupa ka sehlopha bao ba tlogo go šišinya lefase lohle go go dikologa.” Gomme a re, “E tla botšwa wena go tšwa fao.”

164 Ke ba bakae ba ba elelwago seo, mo, tsela pele e direga? [Phuthego e re, “Amene.”—Mor.] Fao go na le banna ba ba dutšego thwi mo ka moagong wo bošegong bjo, ba be ba eme thwi fao ge e direga.

165 Gomme a re, “Mahuto a Šupa a diphiri tše di utilwego tša Beibele yohle di tla bulega, le go phethagatša Kutollo 10, gore ka Molaetšeng wa Morongwa wa bošupa dilo tše di swanetše go tla go phethega.” Letšatši le Lengwalo le le phethagaditšwe pele ga mahlo a rena. Letšatši le Lengwalo le le phethagaditšwe.

166 Ngwaga wa go feta, ke be ke eme ka lefelong le le swanago, Mna. Wood mo le nna, re be re eya go hlatloga thaba, ka mohuteng wa mosong, ka mosadi wa gagwe yo a babjago. Moya wo Mokgethwa wa re, “Topela letlapa le le robetšego fao godimo. Le beletše godimo ka moyeng. Ge le etla fase, e re, ‘GO

RIALO MORENA, fao go tla ba kahlolo ye e rathago lefase.' Mmotše gore o tla bona seatla sa Modimo, diiri di se kae tše di latelago."

<sup>167</sup> Ke ile ka botša Mna. Wood; o gona bošegong bjo. Gomme, ke a thanka, ba seswai goba ba lesome ba banna, goba lesometlhano, ba ba bego ba le fao ge e direga; mosong wo o latelago, fao Morena a tlilego ka sesesedi gomme a kgeretlanya thaba ntle go re dikologa, gomme a ripa dintlhora tša mehlare go lokologa, gomme a dira methuthupo ye meraro, gomme a re, "Kahlolo e lebile go ya Lebopong la Bodikela."

<sup>168</sup> Matšatši a mabedi ka morago ga fao, Alaska go felela ya nwelela ka fase ga lefase. Gomme go tloga nako yeo, godimo le fase Lebopong, mekgebo ya kahlolo ya Modimo kgahlanong le sekerini sela sa semoya. Fao go na le garetene ya tshipi, fao go na le garetene ya pampu, gomme fao go na le garetene ya sebe.

<sup>169</sup> Tlhabologo e sepetše le letšatši; ka fao le Ebangedi. Ba tšwa bohlabela gomme ba ya bodikela, go swana le ka fao letšatši le yago. Gomme bjale E ka Lebopong la Bodikela. E ka se kgone go ya kgolekgole; ge E eya kgolekgole, E tla ba morago bohlabela gape.

<sup>170</sup> Moprofeta o rile, "Fao go tla tla letšatši le le ka se kgonego go bitšwa bošego goba mosegare," letšatši la leutu, pula ye ntši le kgudi, go no lekanela go tseba mokgwa wa go tšoenā kereke goba go bea leina la gago pukung. "Eupša e tla ba Seetša e ka ba nako ya mantšiboa." Letšatši le Lengwalo le le phethagaditšwe.

<sup>171</sup> Lona le le swanago—le le swanago l-e-t-š-a-t-š-i le le hlabago ka bohlabela ke l-e-t-š-a-t-š-i le le dikelago ka bodikela. Gomme yo a swanago M-o-r-w-a wa Modimo yo a tlilego ka bohlabela gomme a itlhotsela ka Boyena bjalo ka Modimo yo a bonagaditšwego nameng, ke M-o-r-w-a wa Modimo yo a swanago ka karolong ya bodikela mo, yo a ikamanyago ka Boyena magareng ga kereke bošegong bjo, wa go swana maabane, lehono, le ka gosafelego. Seetša sa mantšiboa sa Morwa se tlile. Letšatši le Lengwalo le le phethagaditšwe pele ga rena.

<sup>172</sup> Re mo kae ka mo lebakeng la Abraham? Re mo kae ka mo nakong ye kgolo ye re emego ka go yona, iri ye kgolo ye re phelago ka go yona? Dipono ka moka di phethagaditšwe.

<sup>173</sup> Go ka reng ge modiredi mogwera yo monnyane wa rena mo, kereke kgaetšedi ya go amana le rena, Junior Jackson, a ka tla a kitimela go rena bošego bjo bongwe, go nna tlase fao. A re, "Ke bile le—le toro, Ngwanešu Branham, seo se a ntshwenya. Ke bone ka moka baena ba kgobokane godimo ga thaba." Gomme a re, "Godimo ga thaba ye, o be o re ruta go tšwa go mangwalo ao a ngwadilwego, go bonala o ka re go bjalo, go mangwalo a mangwe ka nako yeo a bego a tlakilwe

ntle letlapeng. Ge o feditše seo, ka moka seo se be se feditšwe, o re boditše, wa re, ‘Etlang kgauswi,’ gomme ka moka re ile ra kgobokana godimo.”

<sup>174</sup> A re, “O ile wa fihla go tšwa felotsoko gomme, go bonagetše o ka re, o be o swere sa go swana le khoropa gomme wa rema ntlhorana ya phiramiti ye nnyane ye go e bula. Gomme, ge e dirile,” a re, “letlapa la kранаete le se na le mangwalo godimo ga lona. Gomme o ile wa re botša gore ‘re lebelele ka gare godimo ga leo.’ Gomme lena ka moka. . . Rena ka moka ra thoma go lebelela.” A re, “Ke ile ka retolla hlogo ya ka, gomme ka go ela hloko o eya thoko ya bodikela, feela ka maatla ka fao o bego o kgona, thoko ya bodikela tšatši.” Ke ba bakae ba e elelwago? [Phuthego e re, “Amene.”—Mor.]

<sup>175</sup> Gomme ke ile ka ema fa lebaka le lennyane go fihla Moya wo Mokgethwa o e utolla. Ka re, “Beibele yohle, bontši bjoo e utolotšwego go motho, ka tokafatšo, tlhwekišo, le kolobetšo ya Moya wo Mokgethwa, kolobetšo Leineng la Jesu, le ka moka dilo tše, di utolotšwe; eupša fao go na le sephiri se se utilwego ka gare, ka baka la gore Beibele e tswaletšwe ka Mahuto a Šupa. Ke swanetše go ya kua go e hwetša.”

<sup>176</sup> Mosong woo ge Barongwa ba šupa bao ba etla fase ba thuthupiša lefase, gomme matlapa a ile a fofela tseleng ye nngwe le ye nngwe, Barongwa ba šupa ba be ba eme fao gomme ba re, “Gomela morago Jeffersonville, fao o tšwago gona, ka gore Mahuto a Šupa a diphiri tše šupa a tla bulwa.”

<sup>177</sup> Ke rena ba, lehono, re kwešiša *Peu ya Serpente*. Matšatšing a se makae, ge Modimo a rata, re tla kwešiša go nepagala ga *Lenyalo le Tlhalo*. Gomme ka moka dilo tše tšeo Modimo a di butšego, Lehuto le lengwe le le lengwe, diphiri go tloga go theweng ga lefase. Gomme re be re le lethabong, Bogona bja ditšhegofatšo tša Gagwe! Seo ke therešo. Letšatši le, Lengwalo le!

<sup>178</sup> Kgatišobaka ya *Life* e rwele athekele ya sona, “Seetša sa Sephiri sa ntikodiko se ya godimo ka moyeng bokagodimo ga Tucson le Phoenix,” ka tsela ye e swanago ye ke le boditšego yona e ka bago ngwaga pele e direga, ka fao e tla bago, gomme bjalo ka khutlotharo. Senepa se lekeletše ka kerekeng tlase kua. Lena ba le tšerego kgatišobaka yela le naso. Seo se be se le fao, feela tlwa. Ba rile, “Ke masomepedi-šupa a dimaele bogodimo le dimaele tše masometharo go kgabola.” Ga ba kwešiše le bjale seo se diregilego. Se tšweletše ka moggwa wa sephiri gomme sa tloga ka moggwa wa sephiri.

<sup>179</sup> Ngwanešu Fred Sothmann, Ngwanešu Gene Norman le nna, re be re eme fao. Tharo ke bohlatse. Go swana le ge A tšeetše godimo ga ntlhora ya thaba; Petro, Jakobo, le Johane, go fa bohlatse. Ba be ba eme fao gomme ba e bogela ge e be e direga, gomme ba e bona e dirwa.



180 Lona šelele, le lekeletše ka lefaufaung; bokgale, fao ga go lefokameetse, ga go monola goba selo go dira kgo—kgodi. Ba be ba ka tla bjang fao? E be e le Barongwa ba Modimo ba gomela morago, ka morago ga Molaetša wa bona. Letšatšing le seprofeto seo se phethagaditšwe ka magareng ga rena. Letšatši le Lengwalo le le phethagaditšwe.

181 Hlokomelang, Mahuto a Šupa a butšwe. Sesesedi se ya go Lebopo la Bodikela. Bjale, le seke la e foša, bjalo ka ge ba dirile morago ka kua.

182 Bjale, šedi ya rena, kgauswiuswi gannyane go letšatši la rena. Na Lengwalo le reng ka lehono, le ka nako ye re phelago go yona? Jesu o a bolela . . . nka se be le nako ya go a tšea ka moka, eupša ke nyaka go tšea le letee le pele re tswalela.

183 Jesu o boletše, ka go Mokgethwa Luka ya 17 tema, ya 30 temana. Jesu Kriste, Lentšu ka Boyena! A le dumela seo? [Phuthego e re, “Amene.”—Mor.] Jesu Kriste, Lentšu ka Bolona, le dirilwe nama, o boletše gomme a re se Lentšu le tla bago sona ka nakong ya bofelo, leswao la bofelo bja lefase e tla ba eng. O ba boditše gore setšhaba se tla tsoga kgahlanong le setšhaba, eupša O rile, “Bjalo ka ge go bile ka matšatšing a Sodoma, ka fao go tla bjalo ka letšatšing le Morwa wa motho a utollwago.”

184 Bjale, ge Jesu a be a etla lefaseng, O tlile ka leina la Barwa ba bararo. Morwa wa motho, e lego moprofeta; Morwa Modimo; le Morwa wa Dafida.

185 Bjale, O phetše mo lefaseng. Ga se a ke a bolela gore O be a le Morwa wa Modimo. O rile, “Ke nna Morwa wa motho.” Jehofa ka Boyena o beditše Hesechiele le baprofeta, “Morwa wa motho.” Ka baka la gore, O be a swanetše go tla go phethagatša Lengwalo bjalo ka moprofeta. Moshe o rile, “Morena Modimo wa lena o tla le tsošetša Moprofeta wa go swana le nna.” Ke ka baka leo A bego a ka se kgone go ba Morwa wa Modimo fao, ka baka le gore O be a le Morwa wa motho. O . . . “Lentšu le tlile go baprofeta.” Gomme O be a le Lentšu ka botlalo bja Lona. Morwa wa motho, yo—yo mogolo moprofeta . . . E sego moprofeta yo mogolo, eupša Moprofeta-Modimo, “Botlalo bja Modimo ka lebopo la mmele bo be bo le ka go Yena.” Ka fao, O be a le Morwa wa motho.

186 Bjale, lebaka la mengwaga ya dikete tše pedi, O be a tsebja go rena bjalo ka Morwa wa Modimo, Moya.

187 Gomme ka Mileniamo, O tla ba Morwa wa Dafida, godimo ga Terone. Ka moka re tseba seo, bao re dumelago Mangwalo.

188 Bjale, Jesu o rile, feela mafelelong a lebaka le la kereke leo re phelago ka go lona, gore, “Morwa wa motho o tla utollwa gape ka mokgwa wo o swanago, bjalo ka ge go be go le ka Sodoma.”

189 Hlokomelang ka fao, go ya ka histori, O e file. O rile, “Bjalo ka ge go bile,” pele, “a Noage, ka fao ba bego ba eja, ba e nwa,

ba nyala, ba nyadiša.” Ka gona A tliša, sa go latela, sa mafelelo, go Morwa wa motho, ka Sodoma. Ka baka la gore, fao O be a šogana le Bajuda; mo, ka Sodoma, O šogana le Bantle. Fao, O nweleditše ka moka meetse, ka kahlolo; mo, go Bantle, O ba tšhumile ka moka ka letšatšing la Sodoma. Seo ke therešo. Bantle ba tla tšhungwa fao, “gomme ka fao go tla ba bjalo ge Morwa wa motho a utolla.” Ga e sa le meetse, eupša e tla ba mollo nakong ye. Jesu o badile go tšwa go ye e swanago Genesi 23 ye re badilego go tšwa go yona, ge A badile ka Sodoma.

<sup>190</sup> Bjale, re amogela maemo ao a boletšwego, a seemo sa lefase sa Sodoma, Basodoma, seemo sa Sodoma. Rena, yo mongwe le yo mongwe, o tla re “amene” go seo. Re dumela seo. Ka moka gabotse.

<sup>191</sup> Gomme seemo sa semoya sa Laodikia, kereke tthagong, re tla re “amene” go seo, le go amogela maswao a bona. Re a tseba gore leswao le lengwe le le lengwe le fao. Kereke e ka Laodikia. Re tseba seo. [Phuthego e re, “Amene.”—Mor.]

<sup>192</sup> Re a tseba gore lefase le ka seemong sa Sodoma. A seo ke therešo? [Phuthego e re, “Amene.”—Mor.] Ka moka re amogela seo.

<sup>193</sup> Eupša go reng ka leswao la Abraham, yo motee yo a letetšego morwa wa tshepišo? Yoo e be e le yo mongwe gape.

<sup>194</sup> Elelwang, ba bile le Sodoma morago kua; ba bile le motseta wa bona. Gomme Abraham o bile le Motseta go yena.

<sup>195</sup> Abraham o be a letetše, letšatši ka letšatši, bakeng, gabotse selo sa go se kgonege gore se direge. “Sarah, masomesenyane, gomme yena lekgolo.” Go ya ka tshepišo ya Modimo, o be a sa letetše. Magareng ga ka moka ditshwaswalatšo, o be a letetše morwa yoo.

<sup>196</sup> Ka fao modumedi wa therešo o sa letetše Morwa yola wa therešo go bowa! Elang hloko, feela pele morwa a fihla, fao go bile leswao le le filwego. A ga se leswao la Morwa yo a tlogo go utollwa go Peu ya bogoši ya Abraham ye e letetšego Morwa wa Bogoši, ka go swana le ka fao go bilego go tate Abraham ka morwa wa tlhago? [Phuthego e re, “Amene.”—Mor.] A seo ke therešo? [“Amene.”] Jesu o boletše bjalo, mo ka go Mokgethwa Luka 17:30, “Pele nako ye e etla, gore, Morwa wa motho o tla utollwa go swana le ka mo A dirilego ka matšatšing a Sodoma, pele ga tshenyo ya Sodoma.” Bjale re lebeletše leswao.

<sup>197</sup> Bjale a re tšeeng maemo a nako bjalo ka ge go be go le ka Sodoma. Elang hloko, ka moka ba ile ka Bosodomeng, lefase.

<sup>198</sup> Ke nagana gore yo motee wa balaodi ba dimobi o beile senepe godimo, e sego telele go fetile, gomme ke ile ka swanela ke go se bona, seo e be e le, *Sodoma*. Ge o kile wa se bona gomme go se selo se se sengwe ge e se seo, tšea tebelelo ya sona. Ka nnete ke seswantšho se sebotse sa United States lehono,

Hollywood, feela tlwa; mohuta wo o swanago wa roko le se sengwe le se sengwe gape ba bego ba se dira bjalo ka sa go loka nako yeo; yo nwa phethelela mo gogolo le selo se sengwe le se sengwe gape, bodumedi bja motho bja batho, se se bitšwago bodumedi.

<sup>199</sup> Elang hloko, gomme Sodoma e bile le hlatse, gomme e be e le moisa ka leina la Loto, yo e bego e no ba motlogolo wa—wa Abraham.

<sup>200</sup> Bjale, Abraham ga se a ya tlase Sodoma, yena le sehlopha sa gagwe. O be a na le sehlopha se segolo le yena, go lekanela go lwa le toseine ya magoši le madira a bona. Ka fao, o be a le sehlopha se segolo le yena. Gomme o be a dutše ntle kua ka tlase ga mohlare wa moouku, letšatši le lengwe, ge selo se sengwe le se sengwe se mo sepelela ka go fošagala; go be go se le yo motee a bego a nyaka go dira eng kapa eng ka yena, eupša o be a sa swareletše godimo ga tshepišo yeo.

Hlokomelang bjale, sekgauswi, pele re tswalela.

<sup>201</sup> Ge a sa dutše fao, tlase gwa tla banna ba bararo, ba sepelela go ya go yena. Ba babedi ba bona ba ile ba ya tlase ka Sodoma gomme ba ba rerela Ebangedi, gore ba tšwele ka ntle, go Loto. A seo ke therešo? [Phuthego e re, “Amene.”—Mor.] Eupša yo Motee o šetše le Abraham. Elang hloko, yo Motee yo a go šala le Abraham e be e le Modimo ka Boyena. Ba bangwe ba babedi e be e le batseta Morongwa.

<sup>202</sup> Bjale, tlase ka Sodoma, ga se ba dira mehloko, ge e se feela go ba ratha gore ba foufale. Gomme go rera Ebangedi ka mehla go ba ratha go ba difofu.

<sup>203</sup> Bjale lebelelang go go dikeleng ga letšatši leo. Fao go na le kereke tlhagong. Ka mehla ka boraro, bjalo ka ge ke boletše bošego bja go feta, Modimo o a emelwa. Fao go be go le Basodoma; Baloto; le Baabraham. E ka lemong le le swanago bošegong bjo, lefase le dutše feela ka mokgwa woo.

<sup>204</sup> A nke ke le botšiše selo se sengwe. Lebelelang peakanyo bjale. Abraham o biditše Monna yo yoo a bego a bolela le yena, “Elohim.” Lentšu la Seheberu *Elohim* le ra “yo Motee yo a lekanetšego moka, yo Motee yo e lego yo Motee wa ka Gosafelego,” Elohim, Modimo ka Boyena!

<sup>205</sup> Mathomong, Genesi 1, e rile, “Mathomong Modimo...” Tšea lentšu la Seheberu fao, e ka ba, goba lentšu la Segerike, ke ra gore, “Mathomong *Elohim* o hlotše magodimo le lefase.”

<sup>206</sup> Mo, O, ka go Genesi, e ka ba 22 mo, O bolela gape, goba—goba e ka ba 20, O rile, gomme o biditše leina la Monna yo “Elohim.” Ka baka la eng a e dirile? Modimo, a emetšwe ka nameng ya motho, yo a go dula le Abraham gomme a ja sangwetši ya namane, a nwa le maswi, gomme a ja borotho. Modimo ka Boyena, gomme a timelela thwi pele ga Abraham.

207 Gomme O mo fa leswao. Elang hloko. Gomme leswao e be e le gore O be a na le magetla a Gagwe a fularetše tente.

208 Gomme elelwang, Abraham, leina la gagwe e be e le *Abram* matšatši a se makae pele ga fao, gomme Sarah e be e le *Sarra* pele ga fao; S-a-r-r-a ka gona S-a-r-a-h, gomme A-b-r-a-m go ya go A-b-r-a-h-a-m. *Abraham* e ra gore “tatago ditšhaba.”

209 Bjale hlokomelang sekgauswi ka nnete mo, gomme re tla bona peakanyo ya iri yeo bjale re phelago ka go yona, bjalo ka ge Jesu a re boditše gore re lebelele peakanyo ye. Re bone ka moka ga yona thwi; bjale a re boneng go Peu ya bogoši, ke peakanyo efe ba bego ba swanetše go e bona.

210 Bjale Monna yo o rile, “Abraham, o kae mosadi wa gago, Sarah?”

Gomme Abraham a re, “O ka tenteng, ka morago ga Gago.”

211 Bjale, O be a se ake a mmona. O tsebile bjang gore leina la gagwe e be e le *Abraham*? O tsebile bjang gore leina la gagwe e be e le S-a-r-a-h? “Abraham, mosadi wa gago o kae, Sarah?”

A re, “O ka tenteng, ka morago ga Gago.”

212 A re, “Nna. . .” “Nna,” lešala mong. “Nna ke ya go go etela go ya ka tshepišo. Mosadi wa gago o ya go ba le lese. O ile wa Ntshapha, bjale Ke ya go e dira gore e phethege.”

213 Gomme Sarah, ka tenteng, ka morago, a theeditše ka sephiri goba go bea tsebe, eng kapa eng o ka e bitšago sona, a theeditše go kgabola tente, o ile a segela metlae, gomme a re, “Bjale, nna, mokgekolo wa go swana le ka mo ke lego, nka ba le mantswikinyane le morena wa ka; le yena a tšofetše, gape, ntle kua mengwaga ye lekgolo ka bokgale? Mola, se se se sa direga go ye mentši, ye mentši mengwaga.”

214 Gomme Monna, M-o-n-n-a, a dutše fao a eja, ka nameng ya motho, a enwa gomme a eja bjalo ka monna wa mehleng; a na le lerole diaparong tša Gagwe, gomme o be a na le lerole godimo ga maoto a Gagwe, gomme Abraham a le hlatswa go tloga. Modimo, ka Boyena, a lebelela go dikologa, gomme A re, “Ka baka la eng Sarah a segile, morago ka tenteng, a bolela se?” O tsebile, o kgonne go lekola megopolo ya Sarah ka tenteng, ka morago ga Gagwe. A seo ke therešo? [Phuthego e re, “Amene.”—Mor.]

215 Bjale, ge Peu ya Bogoši ya Abraham e etla lefaseng, ke leswao lefe A le laeditšego, Morwa wa motho. Simone o tllile godimo go Yena letšatši le lengwe; Andrea o mo tlišitše. A re, “Leina la gago ke Simone. Ke wena morwa wa Jona,” A re. Le a bona, seo se dirile modumedi go tšwa go yena.

216 Filipi o ile a ya ka kua gomme a hwetša Nathaneele; a tla morago, a re, “E tla, o bone Monna Yo re nago nae—re mo hweditšego; Jesu wa Nasaretha, morwa wa Josefa.”

217 A re, “Bjale leta motsotso. Ke eng se sebotse se ka tšwago bohlanganyeng bjola?”

A re, “Etna, o bone.”

218 Ka fao ge Filipi a etla godimo ka Bogoneng bja Jesu, le Nathaneele, Jesu a lebelela godimo go yena gomme a re, “Bonang Moiraele yo ka go yena go se nago bomenetša.”

A re, “Rabi, a O ntsebile neng?”

219 A re, “Pele Filipi a go bitša, ge o be o le ka tlase ga mohlare, Ke go bone.”

220 A re, “Rabi, Wena o Morwa wa Modimo. O Kgoši ya Israele!”

221 Ge mosadi yo monnyane sedibeng, ka seemong sa gagwe sa go hloka maitshwaro, a etla godimo, sebopego se sebotse se sennane selo se se bjalo, go ga meetse. Jesu o be a romile barutiwa ba Gagwe, go reka dijo. Ge a etla godimo go ga meetse, O rile, “Ntlišetše sa go nwewa, mosadi.”

222 A re, “Ga se setlwaedi go Wena go bolela seo. Re na le kgethologanyo mo. Bjale, lena Bajuda ga le na le selo go dira le rena Basamaria; ga re na le selo go dira le lena.”

223 A re, “Eupša, mosadi, ge nkabe o tsebile Yo a bego a bolela le wena, o be o tla kgopela Nna sa go nwewa. Ke be ke tla go fa meetse ao e lego gore o ka se tle mo go ga.”

224 O ile a hwetša fao seemo sa gagwe se bego se le gona, seo e bego e le sona. A re, “Eya o bitše monna wa gago le tle mo.”

A re, “Ga ke na le monna yo a itšego.”

225 A re, “O boletše therešo. O bile le banna ba bahlano, gomme yo motee yo o dulago le yena bjale ga se wa gago.”

226 A re, “Mohlomphegi, ke a bona gore O moprofeta. Re a tseba ge Mesia a etla O tla re laetša dilo tše.”

Jesu a re, “Ke nna Yena.”

227 Ka seo, a kitimela ka toropongkgolo gomme a re, “Etlang, le bone Monna Yo a mpoditšego dilo tše ke di dirilego. A ga se yena Mesia?”

228 Hlokomelang, O dirile seo pele ga Bajuda, le Basamaria, eupša e sego go Bantle. Bantle, rena batho, re be re le bahetene ka wona matšatšing ao, ditšhaba tše dingwe, re rwele melamo ka magetleng a rena, re direla medimo ya maiterelo. Re be re sa nyake Mesia.

229 O tšweletše feela go bao ba bego ba Mo nyaka, gomme re swanetše go ba re Mo nyaka.

230 Eupša bao ba tleimago go Mo nyaka, kereke ka boyona, ge ba bone seo se dirwa, ba ile ba re, “Ke diabololo. Ke mmolelela mahlatse, Beletsebubu!”

231 Gomme Jesu a re, “Sebe seo se tla lebalelwa lena,” ka baka la gore ke ge A be a se a hwa nako yeo. “Eupša,” a re, “letšatši

le lengwe Moya wo Mokgethwa o tla tla gomme wa dira selo se se swanago, gomme go bolela lentšu le tee kgahlanong le Wona go ka se tsoge go lebaletšwe.” Ke gore letšatši le, moo Lentšu le lengwe le le lengwe le swanetšego go akana mmogo. “Go bolela lentšu kgahlanong le Wona; go ka se tsoge go lebaletšwe lefaseng le goba lefaseng le le tlogo.”

<sup>232</sup> Yeo e be e le Peu ya Bogoši ya Abraham. Gomme mo Peu yeo ya Bogoši ya Abraham, yeo e tlogo ka baka la boikamanyo bjoo bja Monna yoo a dutšego fale le Abraham, bo tla go kgonthiša gore e be e le Modimo yo a swanago, a tshepiša ka letšatšing le, “Bjalo ka ge go bile ka matšatšing a Sodoma, ka fao go tla ba bjalo ka go tleng ga Morwa wa motho, ge A ikutolla ka Boyena bjalo ka Morwa wa motho.” Amene. Le ke letšatši le gore Lengwalo le le phethagaditšwe.

<sup>233</sup> Lebelelang peakanyo ye re lego yona lehono. Lebelelang kereke fao Morwa wa Modimo. . . Lebelelang letšatši le le sa bonalego gabotse. Lebelelang diprofeto ka moka. Bjale, selo sa go tsebje, baeng ba rena ba a fihla gona, ge peakanyo e swanetše go ba bjalo ka Sodoma.

<sup>234</sup> Fao go bile ba bararo ba bona ba etla mmogo, banna ba bararo ba go ikgetha ba romilwe go tšwa Legodimong. Re tla amogela seo. Ba bararo ba bona; yo Motee a šala le Abraham. Ka moka ba thomile fao, eupša yo Motee a šala le Abraham. Bohle ba bona ba ile tlase Sodoma. A seo ke therešo? [Phuthego e re, “Amene.”—Mor.] Gomme Abraham o bile le leina le le fetotšwego, go tšwa go Abram go ya Abraham. Therešo? [“Amene.”]

<sup>235</sup> Ga go nako e tee fao go histori, kereke ya lefase, e kilego ya ba le moebangedi go ya go yona, ka leina la go felela ka h-a-m, go fihla letšatši le, Billy G-r-a-h-a-m. A seo ke therešo? [Phuthego e re, “Amene.”—Mor.] G-r-a-h-a-m, maletere a tshela. A-b-r-a-h-a-m ke maletere a šupa. Eupša G-r-a-h-a-m ke maletere a tshela, e lego lefase, monna. Le a bona?

<sup>236</sup> Lebelelang se se ilego ntle kua, lehono, ke bona batseta go tšwa Legodimong.

<sup>237</sup> A fao go na le monna lefase a nago le go rera tshokologo ka mokgwa wa pepeneneng bjalo ka Billy Graham? A fao go kile gwa ba monna yo a bilego le khuetšo godimo ga batho, bjalo ka Billy Graham? Fao ga se gwa ke gwa ba, ditšhabatšhabeng, monna. Oo, Billy Sunday, le go ya pele, o be a le mo ka United States, eupša Billy Graham o tsebja lefaseng ka bophara. Le bona fao a bitšago? Ka ntle ga Sodoma.

<sup>238</sup> Gomme o na le phathi ye e mo felegetšago fao le kereke ya Pentecost, Oral Roberts.

<sup>239</sup> Eupša go reng ka sehlopha sa Bakgethiwa? Ke leswao la mohuta mang le ba swanetšego go le bona? Ke eng se ba swanetšego go ba le sona? Haleluya! “Go tla ba le Seetša nakong

ya mantšiboa.” Letšatši le Lengwalo le le phethagaditšwe. [Phuthego e a hlalala—Mor.] Letšatši le tshepišo ya Modimo e phethagaditšwe. Re tseba seo go ba Therešo. O mo bošegong bjo bjalo ka ge A bile gona nakong yeo.

<sup>240</sup> Bjale, go e rera, seo ke se boletšego nakwana ya go feta, ge o rera eng kapa eng gomme e le Therešo ya Ebangedi, gona Modimo o a tlemega go hlatsela seo. A seo ke therešo? [Phuthego e re, “Amene.”—Mor.] Bjale, ge go le bjalo, a nke Modimo yo a ngwadilego Lentšu, a nke Modimo yo a dirilego seprofeto, a nke Modimo yo e lego Modimo wa Lentšu, a tle pele gomme a kgonthiše gore O sa le Modimo.

<sup>241</sup> Bjalo ka ge Eliya a ile godimo ga thaba; hlokomela, Elisa o ile a hlokomela Eliya, a re, “Ke nyaka kabelo gabedi.” Gomme kobo ye e bego e le godimo ga Eliya e wetše godimo ga Elisa. A sepelela tlase, gomme a mena lepai leo gabedi gomme a ratha noka, gomme a re, “Modimo wa Eliya o kae?” Gomme selo se se swanago se se diragetšego Eliya, sa direga go Elisa.

<sup>242</sup> Gomme Ebangedi ye e swanago, Maatla a a swanago, Morwa wa motho yo a swanago yo a bego a le gona maabane, ke wa lehono, gomme o tla ba ka gosafelego. Bahebere 13:8. A le a E dumela? [Phuthego e re, “Amene.”—Mor.] Ka gona, ke a le kgopela. Ga ke kgone go ba Yena, eupša O mo. [“Amene.”] Re no ba feela dirwadi.

<sup>243</sup> Ba bangwe ba lena batho ntle fao, ba le babjago le go tlaišega, bao le tsebago gore ga ke le tsebe, dumelelang Modimo bjale...ge nka kgona go ikokobetša ka bonna go lekanela. Lena rapelang gomme le kgopele Modimo.

<sup>244</sup> Ga ke thanke...Fao ga go na le karata ya thapelo ka moagong, a e gona? Aowa, ga ke...Ga se ra ke ra fa ntle dikarata tše di itšego tša thapelo. Re ya go ba le kopano ya thapelo ka...goba go fodiša balwetši, kerekeng. Eupša, lena rapelang.

<sup>245</sup> Gomme le a tseba gore ke nna mosetsebeje ka go felela go lena. Le a bona, le a ntseba, Jeffersonville! Ga ke nyake batho ba go tšwa Jeffersonville go dira seo. Ke nyaka batho ba go tšwa kgole go tloga mo felotsoko. Bonang ge eba Modimo o sa utolla! Bonang ge eba O sa swana maabane, lehono, le ka gosafelego!

<sup>246</sup> Dirang go swana le ka mo mosadi yo monnyane a dirilego. O fetile go kgabola, gomme a re, “Ke a dumela Monna yo.” O be a na le tšhologo ya madi, gomme a re, “Ge nka kgona go kgwatha morumo wa seaparo sa Gagwe, ke a dumela ke tla dirwa go felela.” A seo se lokile?

<sup>247</sup> Ka baka la tumelo ya gagwe, letšatši leo, Lengwalo le ile la phethagatšwa. “O tlemelela pelo ya pelo ye e robegilego, o fodišitše ba ba babjago le digole.”

<sup>248</sup> Ge a kgwathile seaparo sa Gagwe, gomme a sepelela ntle gomme a dula fase, A retologa go dikologa gomme a re,

“Ke mang yo a Nkgwathilego?” O tsebile bjang, ka gare ga semenyamenya se segolo seo sa batho, go ka kgonega atiša ka masometharo a ba ba lego mo bošegong bjo, dikete tša bona? O e tsebile bjang? O rile, “Ke mang yo a Nkgwathilego?” Ga se a bolela seo go no bolela; O boletše seo ka baka la gore e be e le therešo. Gomme O rile, “Ke mang yo a Nkgwathilego?” Gomme thwi A lebelela go dikologa gomme a bona mosadi yo monnyane, mo a bego a dutše goba a eme, leemo lefe ka lefe a bego a le ka lona, a mmošša gore tšhologo ya gawe ya madi e be e fedile.

<sup>249</sup> Yoo e be e le Jesu maabane. Yoo ke Yena lehono. A le dumela seo? [Phuthego e re, “Amene.”—Mor.]

<sup>250</sup> Ga ke go tsebe; Modimo o a dira. Eupša o na le dihlabi ka lehlakoreng la gago, tše di go tshwenyago. Seo ke therešo. O dutše fao o rapela ka yona. A ke mosetsebj e go wena, gomme re mosetsebj e mongwe go yo mongwe? Emella, ge e le yona. Ga ke go tsebe. Ke monna *yo* thwi mo khoneng, mothaka yo moswa yo. Gape o na le mogolo wo mobe. Seo ke therešo. O rapela ka woo. O tšhogile ka moka ka se sengwe. O ya go swanelwa ke go tloga kopanong ka baka la gore, o modiredi, o na le ditshwarego tše o swanetšego go di hlokomela. Seo ke therešo. Uh-huh. A o a dumela gore Modimo o tseba gore o mang? Mor. Mna. Smith, bjale o ka kgona go ya gomme o fodišwe. Jesu Kriste o go dirile gore o felele. Eya pele kopanong ya gago; mogolo wa gago o ka se go tshwenye.

O kgwathile mang?

<sup>251</sup> Fao go na le monna o dutše thwi morago *mo*; o a tlaišega. O na le sekutu leswafong la gagwe le ngele. Yena ga a . . . Yena ga a tšwe mo. O be o le mošomi mmaeneng. Seo ke therešo. Ke nna mosetsebj e wa go felela go wena. Ge seo e le therešo, šišinya seatla sa gago. Sekutu se ka leswafong la gago la ngele, gomme o ya go dira opareišene thwi go tloga. A seo ke therešo? Ga o tšwe mo. O tšwa ka ntle ga toropo. O tšwa ka Virginia. Seo ke therešo. O a dumela gore Modimo o a tseba gore o mang? Mna. Mitchell, yeo ke therešo, eya gae gomme o loke. Jesu Kriste o go dira gore o felele. Botšišang monna! Ga se kake ka mmona, ka bophelong bja ka. O be a dutše fale, a rapela.

Letšatši le Lengwalo le!

<sup>252</sup> [Ngwanešu Branham o retolla magetla a gagwe go phuthego—Mor.] Mo go na le mohumagadi o dutše thwi morago mo, ka morago ga ka, bjalo ka Sarah ge a be a le ka tenteng. O rapelela morwedi. Emella. Morwedi ga a gona mo; o kgole, morwedi. Gomme o swana le ka fao go bego go le ka gona ge mosadi a etla go Jesu, yo a bego a na le mosadi yo a bego a tlaišwa ke diabololo la pefelo. Mosadi ke . . . mosetsana o swerwe ke letimone. Ga a gona mo. O tšwa . . . Wena o tšwa Lebowa la Carolina. A o dumela seo? Gomme yeo ke therešo, a ga se yona? Mdi. Orders, o ka kgona go ya gae. Ge o ka kgona go dumela



ka pelo ya gago ka moka, o tla hwetša morwedi wa gago go swana le ka fao a hweditšwego ge Jesu Kriste matsatšing ao a fetilego, a rile o fodišitšwe.

<sup>253</sup> Letšatši le Lengwalo le; leswao la Sodoma, leswao la Peu ya godimo, leswao la kereke ya tlhago! Letšatši le Lengwalo le le phethagaditšwe magareng ga lena. A le a le dumela? [Phuthego e re, “Amene.”—Mor.]

<sup>254</sup> A le ka Mo amogela thwi bjale bjalo ka Mophološi le mofodiši wa lena? Emellang ka maoto a lena, yo mongwe le yo mongwe wa lena, bolelang gore, “Ke amogela phodišo ya ka. Ke Mo amogela bjalo ka Mophološi wa ka. Ke Mo amogela bjalo ka Kgoši ya ka.” Yo mongwe le yo mongwe le yo mongwe ema ka maoto a gago.


Letšatši le! Theetša, bagwera.

<sup>255</sup> “O badile Lengwalo, a neela Beibele morago go moprista, gomme,” a re, “ka moka mahlo a batho a be a tsepeletše godimo ga Gagwe. Gomme A ba lebelela, gomme a re, ‘Letšatši le Lengwalo le le phethagaditšwe.’”

<sup>256</sup> Ke badile Lengwalo, le mabohlatse a toseine goba go feta gore re phela ka letsatšing la mafelelo, moloko wo o tlogo go bona Jesu Kriste a bowa lefaseng. Gomme ke re go lena bošegong bjo, gape, letšatši le Lengwalo le le phethagaditšwe pele ga lena.

<sup>257</sup> Lena ka Tucson, lena ka California, lena ka New York, kgokaganong ye ya mogala, letšatši le Lengwalo le le phethagaditšwe pele ga lena.

<sup>258</sup> A re thabeng gomme re nyakaleng, ka gore Monyanya wa Kwana o mo, gomme Monyalwa wa Sesadi . . . Monyalwa wa Gagwe o itirile go loka ka Boyena.

<sup>259</sup> A re emišeng diatla tša rena gomme re Mo feng letago, ka moka lena batho. Modimo a le šegofatše. [Phuthego e tšwela pele go hlalala le go tumiša Modimo—Mor.] 

*LETŠATŠI LE LENGWALO LE LE PHETHAGADITŠWE* NST65-0219  
(This Day This Scripture Is Fulfilled)

Molaetša wo ka Ngwanešu William Marrion Branham, mathomong o abilwe ka Seisimane ka Labohlano manthapama, Febereware 19, 1965, ka Parkview Junior High School ka Jeffersonville, Indiana, U.S.A., o tšerwe go tšwa go theipi ya go gatišwa ya makenete gomme o ngwadilwe ntle le go fokotšwa ka Seisimane. Ye ya North Sotho tlhathollo e ngwadilwe gomme ya phatlalatšwa ke Voice of God Recordings.

NORTH SOTHO

©2016 VGR, ALL RIGHTS RESERVED

VOICE OF GOD RECORDINGS, SOUTH AFRICA OFFICE  
58 DISA ROAD, ADMIRAL'S PARK, GORDON'S BAY 7140 WESTERN CAPE  
REPUBLIC OF SOUTH AFRICA

VOICE OF GOD RECORDINGS  
P.O. BOX 950, JEFFERSONVILLE, INDIANA 47131 U.S.A.  
[www.branham.org](http://www.branham.org)

## Tsebišo ka tokelo-kgatišo

Ditokelo ka moka di bolokilwe. Puku ye e ka ngwalollwa godimo ga sengwalolli sa ka gae go šomišwa ke mong goba go fiwa ntle, mahala ntle le tefo, bjalo ka sedirišwa go gaša Ebangedi ya Jesu Kriste. Puku ye e ka se kgone go rekišwa, go tšweletšwa gape ka bopepetla, go romelwa go website, go bolokwa go sedirišwa sa go bušetša, go hlathollelwa malemeng a mangwe, goba go šomišetšwa go kgopela ditšhelete ntle le tumelelo ya go ngwalwa ya Voice Of God Recordings®.

Tshedimošo ye e Tseneletšeng goba materiale yo mongwe o leng gona, ka kgopelo ikopanye le:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)